

古文奇賞卷之十九

古吳陳仁錫選評仁和郎奎金重訂

天論

中

唐劉禹錫

在韓柳奇崛之日而
蕭疎自好
月明林下
美人來豈
可少也

或曰子之言天與人交相勝其理微庸使戶曉盍取
諸譬焉劉子曰若知旅乎夫旅者羣適乎莽蒼求休
乎茂木飲乎水泉必强有力者先焉否則雖聖且賢
莫能競也斯非天勝乎群次乎邑郭求蔭于華榱飽
乎餼牢必聖且賢者先焉否則强有力莫能競也斯
非人勝乎苟道乎虞芮雖莽蒼猶郭邑然苟由乎匡
宋雖郭邑然猶莽蒼是一日之途天與人
相勝矣

吾固曰是非存焉。雖在楚人理勝也。是

言雖在

邦天理勝也。然則天非務勝乎人者也。何哉。人不宰則歸乎天也。人誠務勝乎天者也。何哉。天無私與人可務乎勝也。吾于一日之途而明乎天人取諸近也已。問者曰。若是言之。則天之不相去乎人也。信矣。古之人易引天爲答。曰。若知操舟乎。夫舟行乎濫淄伊洛者。疾徐存乎人次舍。存乎人風之怒號。不能鼓爲濤也。流之沂洄。不能峭爲魁也。適有迅而安。亦人也。適有覆而膠。亦人也。舟中之人。未嘗有言天者。何哉。理明故也。彼行乎江河淮海者。疾徐不可得而知也。

次舍不可得而必也。鳴條之風。可以沃日。車蓋之雲。可以見怪。恬然濟亦天也。黯然沉亦天也。阨危而僅存。亦天也。舟中之人。未嘗有言天者。何哉。理昧故也。問者曰。吾見其駢焉而濟者。風水等耳。而有沈有不沈。非天曷司歟。答曰。水與舟。二物也。夫物之合并。必有數存乎其間焉。數存然後勢形乎其間焉。一以沈。一以濟。適當其數。適乘其勢耳。彼勢之附乎物而生。猶影嚮也。本乎徐者。其勢緩。故人得以曉也。本乎疾者。其勢遽。故難得以曉也。江海之覆也。猶伊淄之覆也。勢有疾。故有不曉耳。問者曰。子之言。則勢生

非天也天果狹于勢邪答曰天形常圓

寧青周

廻可以度得晝夜可以表候非數之存乎常高而不
卑常動而不已非勢之乘乎今夫蒼蒼然者一受其
形于高大而不能自還于卑小乘其氣于動用而不
能自休于俄頃又惡能逃乎數而越乎勢邪吾固曰
萬物之所以爲亡窮者交相勝而已矣還相用而已
矣天與人萬物之元者爾問者曰天果以有形而不
能逃乎數彼無形者子安所寓其數邪答曰若所謂
無形者非空乎空者形之希微者也爲體也不妨乎
物而爲用也常資乎有必依所物而後形焉今爲室

廬而高厚之形藏乎內也。爲器用規矩之形起乎內者也。音之作也有大小而響不能喻表之立也有曲直而影不能踰非空之數歟。夫目之視非能有光也。必因乎日月火燄而後光存焉。所謂晦而幽者日有所不能燭耳。彼猩猩犬鼠之目庸謂晦而幽邪。吾故曰以目而視得形之粗者以智而視得形之微者也。焉有天地之內有無形者邪。古所謂無形蓋無常形耳。必因物而後見耳。焉能逃乎數邪。

澤宮詩序

澤宮。送士歲貢也。晉昌唐如晦以信誼爲

五文學

清體堂
可愛便元
見之必
其多

爲敢矢規。爵祿猶衆。禽密殼持滿。逆風非。者數矣。
有措栝之妙。而無雙鷁之獲。韞弓收視。歸究其術。繇
是跡愈屈。而名愈聳。君子益多之。被不亡其術。一幸
而中者。雖縣貊在廷。君子未嘗多也。歲拜矣。告余以
西。余爲賦澤宮一章。庶見子之弓。弗再張也已。秩秩
澤宮。有的維鵠。祁祁庶士。于以于祿。彼鵠斯微。若止
若翔。千里之差。起于毫芒。我矢旣直。我弓旣良。依于
高墉。因我不臧。高墉伊何。維噐與時。視之以心。誰謂
鵠微。

自驚廢遂
之餘猶在
愍憐之數
是愁人之
所編

某啟去年國子主簿楊歸厚致書相慶伏承相公言
及廢錮愍色甚深哀仲翔之人謫想元直之方寸思
振淹之道廣錫類之人遠聆一言如受華袞伏自不
窺牆仞九年于茲高卑邈殊禮數懸絕雖身居廢地
而心恃至公伏以相公久以訐謨參于宥密材旣爲
時而出道以得君而專令發于流水之源化行猶偃
艸之易習強仇者自納於軌物困杼軸者咸躋於仁
壽六轡在手平衡居心運思於陶冶之間宣猷於魚
水之際然能軫念廢物遠哀窮途嗟哉小生有足悲
者內無手足之助外乏強近之親爲學苦心本求瑩

養得臯由已。翻乃貽憂。捫躬自劾。愧入肌骨。禍起蜚
語。刑極淪胥。心因病怯。氣以愁耗。近者否運。將泰仁
人持衡。伏惟推曾閔之懷。憐烏鳥之志。處夔龍之位。
傷屈賈之心。沛然垂光。昭振幽蟄。言出口吻。澤濡寰
區。昔者行葦勿傷。枯骼猶掩。哀老以出。弊慙窮而開。
懷亡情異。類尚或嬰。慮顧惟江干逐客。曾是相府故
人。言念材能。誠亡所取。譬諸飛走。庸或知恩。嗚呼。以
不駐之光陰。抱亡涯之憂悔。當可封之至理。爲永廢
之窮人。聳弦尚驚。危心不定。垂耳斯久。長鳴孔悲。腸
回淚盡。言不宜意。謹啟。

答柳子厚書

咀嚼出柳
口在處

禹錫白零陵守以函置足下書爰來眉末三幅小章
書僅千言申申疊疊茂勉其悉相思之苦懷膠結贅
聚至是泮然以銷所不如晤言者亡幾書竟獲新文
二篇且戲予曰將子爲巨衡以揣其鈞石銖黍予吟
而繹之顧其詞甚約而味澹然以長氣爲幹文爲支
跨躒古今鼓行乘空附離不以鑿枘咀嚼不有文字
端而曼苦而腴佶然以生癯然以清予之衡誠懸于
心其揣也如是子之戲予果何如哉夫矢發乎羿彀
而中微存乎它人子無曰必我之師而能我衡苟然

則譽昇者皆昇也。可乎。索居三歲。理言蕪而不治。臨書。軋軋不具。

董氏武陵集紀

片言可以明百意。坐馳可以役萬景。工於詩者能之。風雅體變而興同。古今調殊而理冥。達於詩者能之。工生於才。達生於明。二者還相爲用。而後詩道備矣。予嘗執斯評爲公。是且衡而度之。誠懸乎心。默揣羣才。鈞銖尋尺。隨限而盡。抑是所閱者百態。一旦得董之詞。杳如搏翠屏。浮層瀾。視聽所遇。非風塵間物。亦猶明金粹羽。得于遐裔。雖欲勿寶。可乎。生名挺字。

庶中幼嗜屬詩晚而不衰心源爲鑑筆端爲炭鍛鍊
元本雕讐羣形糾紛舛錯逐意奔走因故沿濁務爲
新聲嘗所與游皆青雲之士聞名如盧杜盧員外象
江員外甫
末韵如包李包祭酒佺
李侍郎紆送以章句揚於當時末路寡
徒值余歡甚因相謂曰間身以廷尉屬爲荊州從事
移病罷去幽臥於武陵迄今四年言未信于世道不
施於人寓其性懷播爲吟咏時復發笥紛然盈前凡
五十篇因地爲目吾子常號知我盍表而志之爲生
羽翼乎不得讓而著千篇因系之曰詩者其文章之
蘊邪義得而言喪故微而難能境生於象外故精而

寡和十里之繆。不容秋毫。非有的然之姿。可使戶曉。
必俟知者。然後鼓行於時。自建安距永明已還。詞人
比肩唱和。相發有以。朔風零雨。高視天下。蟬噪鳥鳴。
蔚在史策。國朝因之。粲然復興。由篇章以躋貴仕者。
相踵而起。兵興已還。右武尚功。公卿大夫。以憂濟爲。
任。不暇器人於文什之間。故其風寢息。樂府協律不。
能足新詞。以度曲夜諷之職。宋寥無紀。則董生之貧。
臥于裔土也。其不得於時者歟。其不試故蓺者歟。

傷我馬詞

馬龍類蓋健而善馳。君子之所宜求爲器也。故法求

此馬可念
亦可友

力或逸而喜駭。法求於和。或乾而易仆。由德稱者。

鮮焉。曩予知善馬之難遭也。不求于肆。而于其鄉一。

旦果得陰山之阿。螻略其形。蕭蕭其鳴。長顧遠視。甚。

而能力顧其軀。非騫然而偉也。雖士得以乘之。始予。

被皁衣于朝朝之人。多四三其壯。以迭馭予。無兼焉。

水轍之淋。漉淖途之汪洋。結爲确。犖融爲坳。堂前有。

僨。輶後有濡裳。我策乘空。我鑣方揚。振鬣軒昂。矯如。

飛翔。翹翹其雄也。非力而何。烈火之具舉。鉤膺之疊。

舞一蹊。千趾駢此離。齟戾者斯。擠悍者斯。怒我鞍如。

山。我轡如組。弭毛容與。宛若孤處。靡靡其柔也。非彗。

而何前日子之獲譴于闕下背商顏趣昭丘日中而
踰舍修門乏南非騎所宜夷則沮洳高則嗽巖虎咆
空林竈鬪荒尫風雨孤征簡書之威俾予弗顛我馬
依依屑屑其勞也非德而何予至武陵屋流水旁或
踰月未嘗跨焉以故莫得伸其所長跼踖顧望兮頓
其鎖韁飲齒日削兮精耗神傷塞櫪騷騷兮瘁毛蒼
涼露聞躑躅兮逸氣騰驤朔雲深兮邊艸遠意欲逞
兮聲不揚隕然似不得其所而死故其嗟也兼常初
玄宗羈大宛而盡有名馬命典牧以時起羣泊西幸
蜀逞逞民間得其種而蕃焉故良毛色者率非中土

其友公
亦不慨此
焉矣

類也。稽是毛物。豈祖於宛歟。漢之歌曰。龍爲友。武陵
有水。曰龍泉。遂歸骨。于是川且弔之。曰。生于磧。礪善
馳走。萬里南來。困丘阜。青菰寒菜。非適口。病聳北風。
猶舉首金臺。已平骨空。朽投之龍淵。從爾友。

猶子蔚適越戒

猶子蔚晨跪于席端曰。臣幼承叔父訓。始句萌。至于
扶疎。前日不自意。有司以名污賢。能書又不自意。被
丞相府召。爲從事。重競累媿。恩貽叔父。羞今當行。乞
辭。以爲戒。予曰。若知彛器乎。始乎斲輪。因入規矩。刻
中廉外。枵然而有容者。理臆質堅。然後加密石焉。風

琢何減
柳

矣。日。晞。不。副。不。聲。然。後。青。黃。之。鳥。獸。之。飾。乎。璫。金。貴。
在。清。廟。其。用。也。冪。以。養。潔。其。藏。也。櫝。以。養。光。苟。措。非。
其。所。一。有。毫。髮。之。傷。儼。然。與。破。甑。爲。伍。矣。汝。之。始。成。
人。猶。噐。之。作。朴。是。宜。力。學。爲。讐。斲。親。賢。爲。青。黃。賸。僚。
友。爲。璫。金。忠。所。奉。爲。清。廟。盡。敬。以。爲。冪。愼。微。以。爲。櫝。
去。怠。以。護。傷。在。勤。而。行。之。耳。設。有。人。思。被。重。霄。而。挹。
顛。氣。病。無。階。而。升。有。力。者。揭。層。梯。而。倚。太。山。然。而。一。
舉。足。而。一。高。非。獨。揭。梯。者。所。能。也。凡。大。位。未。嘗。曠。故。
世。多。貴。人。唯。天。爵。并。者。乃。可。偉。耳。夫。偉。人。之。一。顧。踰。
乎。華。章。而。一。非。亦。慘。乎。黥。刑。行。矣。愼。諸。吾。見。垂。天。之。

文基苦鍊
必歸雅
此老宜

雲在爾肩腋間矣。昔吾友柳儀曹嘗謂吾文雋而膏
味亡窮而炙愈出也。遲汝到丞相府居一二日。哀吾
文入謁以取質焉。丞相吾友也。汝事所從如事諸父。
借有不如意。推起敬之心以奉焉。無忽。

觀市

由命士已上不入於市。周禮有焉。乃今觀之。蓋有因
也。元和二年。沅南不雨。自季春至于六月。毛澤將盡。
郡守有志于民。誠信而雩。遂遍山川方社。又不雨。遂
遷市于城門之達。予得自麗譙而俯焉。輦下令之日。
布市籍者咸至。夾軌道而分次焉。其左右前後班間。

借時如在闌之制其列題區榜揭價名物參外夷之
貨馬牛有緯私屬有閒在中筭者織文及素焉在几
閤者彫彤及質焉在筐筥者白黑巨細焉業于饗者
列饗饔陳麴餌而苾然業于酒者舉酒旗滌杯盃而
澤然鼓刀之人設膏俎解豕羊而赫然華實之毛吮
漁之生交蜚走錯水陸群狀駁名入隧而分韞藏而
待價者負挈而求沽者乘財其時者奇贏以遊者坐
賈顒顒行賈遑遑利心中驚貪目不瞬於是質劑之
曹較固之倫合彼此而騰躍之冒良苦之巧言斂量
衡於險手杪忽之差鼓舌僇俾詆欺相高絕態橫

博亦類
觀而故不
疎

鼓囂譁全烟埃奮羶腥疊中屢嚙而合之異致同歸
鷄鳴而爭赴日中而駢闐萬足一心恐人我先交易
而退陽光西徂幅員不移徑術如初中無求隙地俱
唯守犬鳥鳥樂得腐餘是日倚衡而閱之三感其盈
虛之相尋也速故著于篇云

絕編生墓表

顧彖吳郡人食力於武陵沅水上以讀易聾病且死
飭其子曰吾年十有五而授易于師積六十三年于
茲未嘗一日不吟乎繫象里中兒從吾讀其文多矣
死則必葬我于黨庠之側尚其有知且聞吾書君子

曰若彖者可謂志篤于學矣因以絕編生謚之且表其墓後之讀功令者或采焉予旣謫居是邦始至之日問能道古語可與言者邑子以生爲對旣而執贄請見之生危冠大袂闢視雅拜及門知護候肅而後入又肅而躋階心存聖言潤徹眉睫有坐態而亡苟容問其所執曰幼學易老而尤嗜問安學曰始聳於師晚熟于心自尼父兼三才絀入索繫辭焉以通微言與伏羲文王並行猶天三辰全麗太極泰脫大患完文顯行漢之田丁京劉而東京有馬鄭魏之何荀兩王而吳有韋陸前者導源後者涵之渾融混合百

派。犇。奏。唐。典。沙。門。一。行。方。洩。天。機。以。探。古。人。神。友。造。
物。智。斟。人。事。制。動。也。有。梃。變。道。也。亡。方。鄰。之。支。流。委。
輸。于。我。其。它。紬。繹。祖。述。三。十。有。餘。家。朱。藍。之。樸。斲。之。
爲。羽。翼。爲。鼓。吹。疇。咨。天。人。之。際。旁。魄。上。下。驚。精。於。攜。
掖。匱。巧。於。穿。鑿。猶。制。氏。之。於。樂。鏗。鏘。而。已。徐。氏。之。於。
禮。善。容。而。已。然。而。前。修。之。盡。心。也。得。以。味。腴。拳。芳。焉。
手。胝。於。運。管。目。矇。於。臨。燭。而。氣。耗。於。咏。呻。家。居。亡。訾。
不。能。與。計。偕。地。偏。宜。逮。亡。有。能。晤。語。者。心。愈。苦。而。跡。
愈。卑。寒。膚。皴。腹。以。至。於。耄。老。微。夫。子。之。問。持。是。安。施。
乎。它。日。予。造。其。室。廬。瓢。簞。在。左。污。尊。在。右。有。龜。枵。然。

有策甚澤。余撒著指骨而訊之曰。是壺壺者。曾不予
欺乎。生攸爾而對云。古先聖人知道之妙。不可搏而
得也。故設象以致意。梯有以取亡。取當其粗。用當其
精。夫權衡所以揣輕重。不爲捶釣者設也。尋尺所以
商遠邇。不爲運斤者設也。龜策所以決群疑。不爲知
幾者設也。幾存乎人。是則以天時爲卦體。以地理爲
爻位。外附人事。以象焉。內取諸身。以彖焉。得樞於寰
中。迎數于象外。自然之理。不知其然。雖欲強名措說。
上地彼枯莖朽殼。安能與於此乎。今夫揲之以至利。
列之以殆盡。徒與夫蚩蚩者問歉穰。占熊虺起訟需。

李華小議
類此

小○下○羊○養○牛○之○間○耳○資○其○握○粟○以○餽○子○口○鳥○足○爲○夫
子○道○哉○子○以○斯○言○邃○於○易○故○書○之○噫○國○有○大○學○學○有
館○以○延○顓○門○若○生○者○苦○形○役○志○如○是○其○顓○也○茹○經○于
腹○湮○滅○糞○壤○壁○水○湯○湯○不○聳○其○聲○擢○藏○樸○邀○與○山○水
同○朽○豈○地○遠○然○邪○彼○文○甲○絳○毛○剽○筋○壽○華○嶺○嶠○之○華
實○炎○溟○之○蜃○蝦○飛○苞○驛○筐○所○至○而○貴○夫○豈○貴○爾○也○哉
悅○者○衆○故○也○生○之○死○在○元○和○七○年○秋○七○月○由○死○之○日
推○而○上○求○直○治○生○之○辰○得○四○百○有○七○十○甲○子○葬○在○征
渚○西○右○磯○上○其○墳○可○隱○東○望○里○塾○尚○行○其○志○云

祭韓吏部文

高山亡窮太華削成人文亡窮夫子挺生典訓爲徒
百家抗行當特勅者皆出其下古人中求爲敵蓋寡
貞元之中帝鼓熏琴奕奕金馬文章如林君自幽谷
升于高岑鸞鳳一鳴蜩蟬革音手持文柄高視寰海
權衡低昂瞻我所在三十餘年聲名塞天公鼎侯碑
志隧表阡一字之賈輦金如山權豪來侮人虎我鼠
然諾洞開人金我灰親親尚舊丹其壽考天人之學
可與論道二者不至至者其誰豈天與人好惡背馳
昔遇夫子聰明勇奮常操利刃開我混沌子長在筆
子長在論持矛舉楯卒不能困時惟子厚竄言其間

黃詞愉愉

關

顏顏磅礴上下義農以還曾於有極服

之言

關

岐山威鳳不復華亭別霍中夜驚畏簡書拘

印綬思臨慟兮志莫就生芻一束酒一杯故人故人

歆此來

知北來

甲子歲潮州去去莫將去一求一林對人為人

多言 知山溪風不於華亭除雪中對蠶與讀書

黃瑞外湖 題題題題上平兼雙鳥對會公小月郎

君陽遁叟山居記

唐陸希聲

遁叟
山居記
對其人

遇無心子
散人等日
傳

遁叟以斯世方亂遺榮于朝築室陽羨之南而遁跡
焉地當君山之陽東谿之上古謂之湖洑渚遁叟既
以名自命又名其山曰頤山谿曰蒙谿將以頤養蒙
昧也在易頤之象三艮為山山下有震震為雷為龍
頤山之下東走震澤震雷魚龍之所萃毓有頤象焉
蒙 亦艮為山山下有坎坎為水為險頤山之
下泉流于險而達于大谿有蒙象焉一旦遁叟觴谿
山之神于庭酌而飲頤山曰吾之所以命夫山之為
頤者勗子以養也子其養雲雨以潤物養霧露以生

起手似講
道學忽焉
此奇不窮

物○養○風○霆○以○長○物○養○霜○雪○以○肅○物○養○巨○材○以○充○棟○宇○
養○小○材○以○爲○蒸○薪○養○茅○菅○以○爲○次○藉○養○竹○箭○以○爲○器○
用○養○百○果○以○充○口○腹○養○百○藥○以○觸○札○瘥○養○昆○虫○使○咸○
樂○其○生○養○鳥○獸○使○各○遂○其○性○噫○無○或○養○妖○雲○悖○雨○以○
傷○良○稼○養○苦○霧○淫○露○以○澤○惡○植○養○疾○風○迅○霆○以○摧○槁○
朽○養○慘○霜○虐○雪○以○殺○根○芟○養○擁○腫○之○朴○不○爲○榦○材○養○
鈎○棘○之○槩○不○中○樵○爨○養○蔓○延○之○藟○以○固○條○柯○養○蟠○梗○
之○根○以○同○膏○土○養○弗○食○之○實○以○蕃○庶○生○養○雜○毒○之○藥○
以○中○函○氣○養○蟠○虺○蜂○蜴○以○護○巢○窟○養○豺○狼○梟○獍○以○
群○類○維○山○有○神○子○其○飲○之○無○虧○爾○名○而○致○爾○

竟成兩大
此文字風
流滿楮此
目黎之風
也

而飲蒙谿曰吾所以命夫谿之爲蒙者。昂子以決也。
子其決于夷壤以發其源。決于塞埴以通其流。決于
腴塲以施其潤。決于涸澤以溥其意。決于廣陂使介
鱗蕃育。決于巨浸使蚪龍變化。噫。無或決于險阻。以
資其悍激。決于林藪以縱其墊溺。決于寫鹵以嗇其
施。決于池籩以專其利。決于明實使鼃蟹爲菑。決于
沮洳使鼃鼃得志。維谿有神子其飲之。無喪爾名。而
浮爾實。于是酌而自飲之。吾之所以命是山也。必將
有所養也。命是谿也。亦將有所決也。吾將養吾志于
道而不希于世。養吾行于德而不眩于俗。養吾浩然

之氣以合自然之英養吾誠明之意以入清明之願
又將決吾心于仁義使不違決吾志于中正使不過
決吾身于天命使不憂決吾跡于遁世使無悶如此
而已遂與山谿揖讓竭吾歡而罷并且歌曰山乎谿
乎吾之心乎醒乎醉乎吾與汝參乎。

八駿圖序

唐李觀

希声又云每篇得意處如健馬在御蹀躞不乘

陸希聲曰李觀尚于

辭故辭勝

其理退之

尚于質故

理勝其辭

非定評也

予嘗聞有周穆王八駿之說乃今獲覽厥圖於凌唐
騰虎虎文螭之流與今馬高絕懸異矣其名溢驪蜚
黃駿褭白羲之屬也視矯首則若排雲視舉足則若
乘風有待馭之狀有矜群之姿若日月之所不足至
若天地之所不足周軒軒然嶷嶷然言其真也實星
降之精思其發也猶神扶其魄軾者如仙御者如夢
將變化何別哉

弔韓弇沒胡中文

維唐貞元元年匈奴上款乞盟天子以其言誠乃命

李鄲與陸
儉書觀若
永年則不
遠于子雲
矣雖不永
年亦不甚
遠于楊子
雲矣

上將住墀陰山而聽其誓言監察御史韓君載筆而
隨焉我上將仗九廟之信而首盟其間以戎人心爲
心戎乘我不虞而有詭謀我計無素成而奸以宿萌
故勇者死奔者追而韓君爲之擒矣嗚呼有備無患
軍志也戎人安所暴其詐于慮一失聖人也韓君是
以爲之虜天其或者將用警我非福戎也韓君爲之
擒其繫命歟五年于茲生死不尋謂之生豈復還期
謂之死永永湮沉或曰死矣曾是切商弦之心絕國
浩浩窮西極濱強胡居之犬視斷斷流沙無波陰山
無春邊艸不綠塞鴻不賓秦有長城漢有遺人死者

虜鬼○生○者○虜○臣○哀○哀○韓○君○生○死○窮○辛○鬼○能○靈○人○能○語○
君○生○其○所○君○死○其○所○今○兩○宋○然○心○繇○中○阻○君○初○奉○役○
意○氣○西○道○白○圭○之○貺○唾○掌○可○保○激○魯○陽○之○勇○歎○典○屬○
之○老○乃○卽○于○事○不○能○畫○奇○從○軍○之○籌○君○固○職○之○可○疑○
不○疑○固○用○貼○危○羗○戎○髭○髻○坐○刃○我○師○倉○卒○閤○胷○血○殷○
朔○陞○實○死○者○痛○非○擒○者○悲○夾○谷○之○會○不○聞○仲○尼○秦○中○
九○月○黃○葉○始○下○長○風○西○來○烈○烈○飄○瓦○望○君○申○弔○亦○懼○
來○者○已○乎○一○魂○時○也○命○也○

不。與。國。用。胡。武。美。在。滯。坐。氏。非。明。會。卒。開。胃。血。親。
之。朱。氏。唱。于。車。不。預。畫。奇。銓。軍。之。義。音。固。鄰。之。可。疑。
意。原。西。盡。白。圭。之。明。垂。掌。何。粉。地。皆。則。之。更。燭。典。風。
哉。主。其。死。哉。天。其。死。今。兩。宋。然。以。我。中。則。哉。時。奉。始。
以。其。主。沐。親。引。莫。京。韓。云。主。天。有。幸。思。前。人。並。前。

收讀韓文
平淮西碑
誰知有此
嗟乎石孝
忠

平淮西碑

唐 段文昌

日者惠琳恃近狄之固劉闢憑坤維之險李錡保長
江之衝從史資太行之阻四兇相扇繼爲亂常三數
年間盡膏鉄鑕太尉茂昭以中山之地盡室來朝司
空弘正以全魏之邦舉宗向闕義風所激莫不歸心
況彭城從折簡之召橫海展執珪之覲向談虞虢之
存亡議輔車之形勢莫不刳心斷臂繼踵爲忠旣而
麟見於巴賓之間河清於鄘衛之際固同本之貺昭
聖祚之符廓清寰海兆於此矣而長淮右地連山四
起控扼吳楚密邇輶轅有上帝濯龍之池同異方多

馬之國。戈鋌雪照。駟駿雲屯。二姓三兇。憑阻作孽。嚴
在甲午。吳少誠積禍而斃。餘殃聚於逆嗣。氛祲淮瀆。
我方弔人。省寃墾災。除穢猶命使者持節往申寵。
賻以柔服之義。示含弘之仁。元濟劫衆拒境。滔天肆
逆。剽葉縣。燒舞陽。侵襄城。伊洛之間。騷然震恐。乃詢
廷議。咸願假以墨經。授以兵符。天子於是會鳧藻之
師。得鷹揚之帥。以中軍帥李光顏往者。平朔邊靜庸
蜀雙矛。電激孤劒。飈馳亦由馮異之總軍鋒。子顏之
將突騎。才氣雄武。可掃撓搶。總魏博河陽郕陽凡三
軍。自臨潁而前。以河陽軍帥烏重胤當從。史內誦邪。

謀外阻兵勢精誠奮發獨應王命故得虜魏豹千軍
中縛呂布於麾下識慮中正可革臯音益以汝海之
地總朔方義成陝號劍南西川鳳翔延州寧慶凡七
軍由襄陽而進宣武帥韓弘請以子公武領精卒一
萬三千時集泗曲樂書作帥鐵爲戎右充國討虜印
統支軍是能從帥之命成父之志又以壽春守李文
通夙精戎韜累習軍旅明於守備可保金湯總宣武
淮南宣歙浙西徐泗凡五軍阨固始之險以鄂岳都
團練使李道古以先曹王臯有任城之武昔征兇渠
嘗取安陸授以戎柄嗣其家聲乘五關之隘以唐鄧

隨帥李愬溫敏能斷靜深有謀。山南東道荆南凡兩
軍自文成而東乃命御史中丞裴度以諭群帥以撫
輿師且以古之會兵必謀元帥令歸於一勢不欲分
命宣武軍帥韓弘爲諸道行營都統指蹤畫竒正之
機發號申嚴凝之令。又命內掌樞密之臣梁守謙肅
將天威盡護諸將懸白日於千里推赤心於萬人由
是甘寧奮升城之勇君文勵擊堰之志焚上蔡以剪
其翼拔鄆城以扼其吭以軒后攻蚩尤之亂殷宗伐
鬼方之罪。周公誅淮夷之叛雖以聖討逆皆三年後
定百辟之議且謂人勞將決其機以安海內復命

收

以下皆極
敘李愬實
事

相裴度持淮蔡之節撫將帥之臣分鄧禹之麾旆盛
竇憲之幕府先是光顏重胤公武戎旅同心壘垣齊
列發胡騎之雄紛紜縱擊逐餘孽如鳥雀獵殘寇似
狐狸干矛杖行次於洄曲丞相之來也群帥之志氣
逾厲統制之號令益明勢如雷霆功在漏刻賦乃悉
其精騎以備洄曲之師唐隋帥李愬新總傷夷之軍
稍厲奔北之氣城孤援絕地逼勢危而能養雞虎之
威未嘗矍視屈驚鳥之勢不使怒形是以收文成柵
而降吳秀琳下興橋而擒李祐祐果敢多略衆以畱
之或謂蓄患不利吾軍愬誠明在躬秉性不撓爰命

釋縛授之親兵。祐感槩之心。出於萬死。縱橫之計。果效六奇。粵十月。旣望陰凝。雪飛天地。盡閉。愬乃遣其將史旻。仇良輔。畱鎮文城。備其侵軼。命李祐領突騎三千。以爲鄉導。自領中軍三千。與監軍使李誠義。繼進。又遣其將田進誠。領馬部三千。以殿其後。郊雲晦。冥寒可墮。指一夕。卷旆凌晨。破關鋪。敦淮濱。仍執醜虜。雖魏軍得田疇。爲導潛出。盧龍。鄧艾得田章。旣登長驅。縣竹。用制奇勝。與古爲疇。四紀逋誅。一朝蕩定。攄宗廟之宿憤。致黎庶之乂安。帝命策勲。進弘爲侍中。光顏重胤。並爲司空。愬爲左僕射。帥山南東道公。

武加散騎常侍節制鄜坊丹延道占進御史大夫文
通加散騎常侍王師獲金爵之賞環境蒙優復之恩
掩骼埋胔除瑕宥罪丞相旋請來朝後加金紫光祿
大夫封晉國公乃眷淮濱蒸人生殖俾擇循吏撫其
疾傷以宣慰副使刑部侍郎馬總領淮蔡之任天子
議功雲臺追美將帥俾刻金石以揚休勲而百辟僉
謀羣師克讓推義士之志。敢貪天功。徵賢臣之言。實
在君德。上獻鴻名。式昭徽策。庶乎闕周雅者。美宣王
之中興。觀劍銘者。戒蜀川之恃險。

唐憲宗卽退之淮西碑而改用段文昌也事由石

孝忠後世鮮有緣其本末者按羅隱記石烈士事
云石孝忠者生長韓魏間爲人猛悍多力州里患
之後折節事李愬爲前驅信任與家人伍元和中
天子用裴丞相討蔡李愬李光顏烏重胤皆受節
制明年蔡平命吏部侍郎韓愈撰平淮西碑碑中
盡歸功丞相而愬特與光顏重胤等孝忠熟視其
文大恚怒因作力推倒其碑更不能止乃執詣節
度使悉以聞上甚訝之命具獄將盡於碑下孝忠
度必死苟虛死則無以明愬功乃僞祗畏若不勝
按伺吏隙用枷尾拉一吏殺之天子聞而震怒碑

送闕下親訊之曰汝推吾碑殺吾吏爲何孝忠頓
首曰臣一死未足以塞責但得面天顏則赤族無
恨矣臣事李愬久以賤故給事無不聞見平蔡之
日臣從在軍前如吳秀琳蔡之奸賊也而愬降之
李祐蔡之驍將也而愬擒之蔡之爪牙脫落于是
矣及元濟受縛雖丞相與諸將軍不能先知也蔡
平刻石記功盡歸丞相而愬名與光顏重胤齒愬
固無所言矣脫不幸更有一淮西其將略如愬者
肯爲陛下用乎臣所以推去碑者不惟明愬之績
亦將爲陛下正賞罰之源不推碑無以爲吏擒不

殺吏無以見陛下臣言已矣請就刑憲宗旣得淮
蔡本末又多其義遂赦之因名曰烈士後召翰林
學士段文昌更撰淮西碑嗚呼石孝忠者固貫高
趙午之徒歟當時韓吏部旣欠實錄而裴相國殊
無休休讓美之懷致謗未必無由也夫韓公之文
非不卓越卽段學士所撰亦自詳贍明妥隨人觀
場之輩先睥睨于山斗而段文全不齒錄亦足笑
也

按唐憲宗以永貞元年八月卽位是月劔南西川
劉闢自稱畱後十一月夏綬銀節度畱後楊惠琳

反元和元年三月辛巳楊惠琳伏誅十月戊子劉
闢伏誅事皆在元和元年而退之平淮西碑云明
年平夏又明年平蜀蓋誤也新唐書載此碑削去
明年平夏一句

庚午年夏一
庚午年夏二
庚午年夏三
庚午年夏四
庚午年夏五
庚午年夏六
庚午年夏七
庚午年夏八
庚午年夏九
庚午年夏十

貓鼠議

唐 崔祐甫

臣聞天生萬物剛柔有性聖人因之垂範作則禮記
郊特牲篇曰迎貓爲食田鼠也然則貓之食鼠載在
禮經以其除害利人雖微必錄今此貓對鼠不食仁
則仁矣無乃失于性乎鼠之爲物晝伏夜動詩人賦
之曰相鼠有體人而無禮又曰碩鼠碩鼠無食我黍
其序曰食而畏人若大鼠也○三○旋○觀○之○雖○云○動○物○異
于麋鹿麋兔彼皆以時殺獲爲國之用猶受人養育
職○既○不○脩○亦○何○異○于○法○吏○不○勤○觸○邪○疆○吏○不○勤○捍○敵○
又按禮部式具列三瑞無貓不食鼠之目以茲稱慶

落落數語
以西京

臣所未詳伏以國家化洽治平天符荐至紛綸雜沓
史不絕書今茲猫鼠則若以劉向五行傳論之恐須
申命憲司察聽貪吏誠諸邊侯無失徼巡猫能致功
鼠不爲害

唐故常州刺史獨孤公神道碑銘

常、州、之、孝、行、爲、大、蒸、蒸、翼、翼、以、敬、以、愛、友、于、兄、弟、如、
捧、如、戴、常、州、之、義、篤、于、友、用、之、有、常、行、之、可、久、扶、危、
拯、溺、爾、身、我、手、常、州、之、才、施、于、政、撫、柔、三、部、以、仁、爲、
柄、龔、遂、國、嶠、千、古、迭、映、常、州、之、文、究、其、本、質、取、其、正、
豔、從、其、損、在、星、之、緯、在、木、之、衰、常、州、之、年、止、中、身、去、

昭昭之盛世與萬鬼而爲鄰白馬江上青島洛濱鶴
鵠在原嗟爾元昆縗衽霑血長號訴冤暴述遺美謂
余不諼我觀之子將二十年相投藥石胡疹不痊譬
我于池子爲之泉譬我于桐子爲之絃榮不觸遂難
不隻全如何淑明摧馥碎堅歎衣楚挽徘徊墓田望
之不見赴之無緣狸首班如女手拳如天如天如泣
涕漣如

不。具。伏。之。無。絲。野。首。班。吹。丈。手。拳。吹。天。吹。天。吹。天。
 不。變。全。吹。何。端。則。對。對。轉。望。海。水。焚。對。對。而。墓。田。墜。
 并。于。出。于。為。之。泉。誓。并。于。昧。于。為。之。絲。策。不。置。並。載。
 余。不。歸。并。對。之。于。罪。二。十。年。昧。對。藥。不。時。致。不。致。吾。
 為。并。風。製。爾。示。見。絲。拆。靈。血。是。數。世。意。暴。之。最。美。情。
 報。報。之。報。廿。與。萬。眼。而。為。味。自。思。出。上。清。界。報。報。報。

青之元結
歐陽詹獨
皆異人
也其鍊句
鍊字皆不
苟

曲江池記

唐 歐陽詹

水不注川者。在藪澤則曰陂。曰湖。在苑囿則爲池。爲沼。苑之沼。囿之池。力墾而成。則多。天然而有。則寡。茲池者。其天然歟。循原非峙。迴岡旁轉。圓環四布。中成坎窞。窅窅港洞。生泉喻源。東西三里。而遙。南北三里。而近。當天邑別卜。繚垣未繞。乃空山之灤。曠野之湫。然黃河作其左壑。清渭爲其後洫。褒斜右走。太一前橫。崇山濬川。鈎結蟠護。不南不北。湛然中渟。西北有地平垣。彌望五六十里。而無窪坳。紫蓋凝而不散。黃旗繚以常在。實陶鈞之至。造化之工。沙汰一氣之辰。

財成六合之日。旣以磽确。外爲寰宇。敞無垠堦。以居
億兆。又選英精。內爲區域。束以襟帶。用宅君長。若人
斯生。肢體具矣。有心以繫其神焉。若堂斯考。廓廡設
矣。有室以處其尊焉。彼如紫蓋黃旗之氣。蓋陶鈞造
化者。用宅君長英精之所邪。夫物苟相表裏。製必同
象。泄夫外則廓以靈海。導夫內則融乎此湫。歷代帝
王。未得而有。豈降巢室土之後。聯綿千百之代。建卜
都邑。不欲合夫天意而居乎。將天意尚同。根深蒂固。
可與終畢者。而命處乎。故涸于有隋。比我皇唐之存。
孕詔其季主。營之以須焉。撥北辰以正方。度南端而

制極壙隍。割趾勾陳。定位地迴。帝室湫成。厥池旣由。
我署纔成。伊去真主。巍巍龍蟠。虎踞爰自中。而軌物。
取諸象以正名字。曰曲江。儀形也。觀夫妙用在人。豐。
功及物。則總天府之津液。疏皇居之墊隘。潢汗入其。
洞澈。銷涎漿以下。澄汗盧隨其佳氣。蕩鬱攸而上。滅。
萬戶無重腿之患。千門就爽塏之致。其流惡含和厚。
生。蠲疾有如此者。皎晶如練。清明若空。俯睇冲融得。
渭北之飛雁。斜窺澹泞。見終南之片石。珍木周庇。奇。
花中縛。重樓夭矯。以縈映。危榭巉巖。以輝燭。芬芳蔭。
潛。混漾電燵。凝烟吐靄。泛羽游鱗。斐郁郁以閑麗。謐。

徽徽而清肅。其涵虛抱景。氣象澄鮮。有如此者。皇皇
后辟。振振都人。遇良辰于令月。就妙賞乎勝趣。九重
繡轂。翼六龍而畢降。千門錦帳。同五侯以偕至。泛菊
則因。高手斷岸。袂襟則就。絜乎芳沚。戲舟載酒。或在
中流。清芬入襟。沈昏以滌。寒光眩目。貞白以生。絲竹
駢羅。緹綺交錯。五色結章于下地。八音成文于上空。
砰鞞沸渭。神仙奏鈞天於赤水。鼙藹敷俞。天人曳雲
電于玄都。其洗慮延歡。俾人怡懌。有如此者。至若嬉
游以節。宴賞有經。則纖埃不動。微波以寧。熒熒滢滢。
瑞見祥形。其或淫涵以清。泛覽無斁。則飄風暴振。洪

清噴射崩騰駱驛妖

胸覲其棲神育靈與善懲惡

有如此者某幸因受一觀光上國身不佞而自棄日
無名以多暇詢奇覽物得之于斯矚太始之玄造訪
前聞于碩老天生地成之理識之于性情物儀人事
之端徵之于耳目夫流惡含和厚生蠲疾則去陰之
慝輔陽之德也涵虛抱景氣象澄鮮則藻飾神州芳
榮帝宇也洗慮延歡俾人怡悅則致民樂土而安其
志也棲神育靈興善懲惡則俗知所勸而重其教也
號惟天邑非可謬創一山一水拳石草樹皆有所謂
滋池者其有謂之雄焉意我皇唐須有此地以居之

有此地須有此池以毗之。佑不仁之亭毒。贊無言之
化育至矣哉。以其廣狹而方于大則小矣。以其淵洞
而命夫深則淺矣。而有功如彼有德若此。代之君子
蓋有知之而不述。令民無得而稱焉。輒粗陳其旨。刊
諸岸石。庶元元荷日用之力也。貞元五年歲在己巳
夏五月十有五日記

上鄭相公書

嗚呼。今之高懸爵祿。廣設名位。實大乎德行。與乎能
也。德行也者。孝悌也。忠信也。不可于公堂斯須而
試也。須漸也。父母昆弟之言。泐乎州閭鄉曲之譽。

林銑言上
韓吏部曰

閣下之門

五軻揚雄

一門也無

其門俾

予不得

其道焉

代惜焉

此延相

在三江之南孝悌之言無由漸朝廷之耳忠信之譽

莫待通闕下之聞也能事也者秉持也應奉也不可

虛處無任而得呈也須形乎政令裁制之庸著乎役

藝使才之致某冗官也政令裁制一月兩衙之謂役

藝使才二奠陪行而已秉持之庸不可形考課之日

應奉之致是絕著選能之見也縱有顏閔之德游夏

之學宰我之政夫子之文章其于是也但父母昆弟

自相知州閭鄉曲自根許子海隅嶺徼其奈拳拳之

身何夫大田斯獲而有遺秉則滯穗也萬秉稀一萬

穗稀一某豈遂當其一乎且天地也命之翅必與之

元口度

天下不

若幾人

詹言多

卷六

羽翮副其巨細。使得飛也。命之足必與之蹄蹠。稱其
短長。使得行也。若命之翅而不與之羽翮。與之而巨
細不相副。飛則墜。若命之足而不與之蹄蹠。與之而
短長不相稱。行必顛。命適遺之墜。與適遺之顛。則如
無命無與也。其庸愚不知造物之旨者。示之則不之
怪。其明賢深探理源者。其謂天地何。且邦國也。勸人
以德。行用錫之爵祿。必契其分量。使得行道也。聳人
以能事。用錫之名位。必權其輕重。使得榮身也。若勸
以德。行而不錫之爵祿。錫之而分量不相契。道則屈。
聳以能事。而不錫之名位。錫之而輕重不相權。身則

其骨酸

辱勸適遺之屈。聳適遺之辱。則如無勸無辱也。其庸
愚不知政化之旨者。視之則不之怪。明賢深探理體
者。其謂邦國何。某代居閭。至于吳。則絕同鄉之人矣。
自吳至于楚。則絕同方之人矣。遇宋由鄭。踰周到秦。
朝無一命之親。路無迴眸之舊。猶孤根寄不食之田。
也。人人耘耨。所不及家。家灌溉。所不霑其灌。乃條枚
成。乃華實者。上天至仁之膏澤。厚地無私之陽春。平
相公爲上天之霖雨。佐厚地之發生也。何以處某焉。

沈亞之云。徒見摧風。枯霜。家。烟。名。雲。而。已。

人入其群而不反家寒熱雖迫不害其節衣衾
 雖無一命之賒執事雖報之舊而感其言不食之田
 日矣至于貧賤野同文之人矣雖寒山凍迫風淫水
 昔其時朕因訪某少景因至于吳而解其衣之衣矣
 恩不味知此外之計亦願之而不之惜也其時
 得憐其數之自登其後之其恩收其節其節也其

遊大林寺序

唐白居易

予與河南元集虛范陽張允中南陽張深之廣平宋
郁安定梁必復范陽張時東林寺沙門法演智滿士
堅利辨道建神照雲泉息慈寂然凡十七人自遺愛
草堂歷東西二林抵化城憩峰頂登香爐峰宿大林
寺大林窮遠人迹罕到環寺多清流蒼石短松瘦竹
寺中唯板屋木器其僧皆海東人山高地隱節絕
晚於時孟夏月如正二月天梨桃始華澗草猶短人
物風候與平地聚落不同初到恍然若別造一世界
者因口號絕句云人間四月芳菲盡山寺桃花始盛

開長恨春歸無覓處。不知轉入此中來。旣而周覽屋
壁見蕭郎中存。魏郎中弘簡。李補闕渤三人姓名詩
句。因與集虛輩歎且曰。此地實匡廬間第一境。由驛
路至山門。曾無半日程。自蕭魏李遊。迄今垂二十年。
寂寥無繼來者。嗟乎。名利之誘人也如此。昔元和十
二年四月九日。樂天序。

此記結語有千鈞之力。而意味闡然。使後遊者能
賈餘勇。

代書

廬山目陶謝洎十人賢已還。儒風縣縣相續不絕。貞

元初有符載楊衡輩隱焉亦出爲文人今其讀書爲
文結草廬於巖谷間者猶一二十人卽其中秀出者
有彭城人劉軻軻開卷慕孟軻爲人秉筆慕楊雄司
馬遷爲文故著翼孟三卷秦龍子十卷雜文百餘篇
而聖人之旨作者之風雖未臻極往往而得予佐潯
陽三年軻每著文輒來示予予知軻志不悉異日必
能跨符楊而攀陶謝軻一旦盡齋所著書及所爲文
訪予告行欲舉進士予方淪落江海不足以發軻事
業又羸病無心力不能徧致書于臺省故人因援紙
引筆寫胸中事授軻且曰子到長安持此札爲予謁

集賢庾三十二補闕翰林杜十四拾遺金部元八員
外監察牛二侍御秘書蕭正字藍田楊主簿兄弟彼
七八君子皆予文友以予愚直常信其言苟于今不
我欺則子之道庶幾光明矣又欲使平生故人知我
形骸已悴志氣已憊獨好善喜才之心未死去矣去
矣持此代書三月三日樂天白

醉吟先生傳

醉吟先生者忘其姓字鄉里官爵忽忽不知吾爲誰
也宦遊三十載將老退居洛下所居有池五六畝竹
數千竿喬木數十株臺榭舟橋具體而微先生安焉

空雖貧不至寒餒年雖老未及耄性嗜酒耽琴淫詩
凡酒徒琴侶詩客多與之游游之外棲心釋氏通學
小中大乘法與嵩山僧如滿爲空門友平泉客韋楚
爲山水友彭城劉夢得爲詩友安定皇甫朗之爲酒
友每一相見欣然忘歸洛城內外六七十里間凡觀
寺丘壑有泉石花竹者靡不游人家有美酒鳴琴者
靡不過有圖書歌舞者靡不觀自居守洛川韋布衣
冠家以宴游召者亦時時往每良辰美景或雪朝月
夕好事者相過必爲之先拂酒罍次開篋詩酒旣酣
乃自援琴操宮聲弄秋思一遍若興發命家僮調法

部絲竹合奏霓裳羽衣一曲若歡甚又命小妓歌楊柳枝新詞十數章放情自娛酩酊而後已往往乘興履及鄰杖於鄉騎遊都邑肩舁適野舁中置一琴一枕陶謝詩數卷舁竿左右懸雙酒壺尋水望山率情便去抱琴飲酌興盡而返如此者凡十年其間日賦詩約千餘首日釀酒約數百斛而十年前後賦釀者不與焉妻孥弟姪慮其過也或譏之不應至于再三乃曰凡人之性鮮得中必有所偏好吾非中者也設不幸吾好利而貨殖焉以至于多藏潤屋賈禍危身好自解奈吾何設不幸吾好博奕一擲數萬傾財破產以至

于妻子凍餒奈吾何。設不幸吾好藥損衣以食。鍊然
燒汞以至于無所成。有所誤奈吾何。今吾幸不好彼
而自適于杯觴諷詠之間。放則放矣。庸何傷乎。不猶
愈于好彼三者乎。此劉伯倫所以聞婦言而不聽。王
無功所以遊醉鄉而不還也。遂率子弟入酒房環釀
甕箕踞仰面長吁太息曰。吾生天地間。才與行不逮
于古人遠矣。而富于黔婁壽于顏淵。飽于伯夷樂于
榮啟期。健于衛叔寶。幸甚幸甚。餘何求哉。若捨吾所
好。何以送老。因自吟咏懷詩云。抱琴榮啟樂。縱酒劉
伶達。放眼。看青山。任頭生白髮。不知天地內。更得幾

年活。從此到終身。盡爲閒日月。吟罷自哂揭。甕撥醅。
又飲數杯兀然而醉。旣而醉復醒。醒復吟。吟復飲。飲
復醉。醉吟相仍。若循環然。繇是得以夢身世。雲富貴。
幕席天地。瞬息百年。陶陶然昏昏然。不知老之將至。
古所謂得全於酒者。故自號爲醉吟先生。于時開成
三年。先生之齒六十有七。鬚盡白。髮半禿。齒雙缺。而
觴咏之興猶未衰。故謂妻子云。今之前吾適矣。今之
後吾不自知其興何如。

畢竟出之太易。蓋元白之苦才多也如此。

位置莊而
實命意
趣而微拘

草堂記

匡廬奇秀甲天下山北峰曰香爐峰北寺曰遺愛
寺介峰寺間其境勝絕又甲廬山元和十一年秋太
原人白樂天見而愛之若遠行客過故鄉戀戀不能
去因面峰腋寺作爲草堂明年春草堂成三間兩柱
二室四牖廣袤豐殺一稱心方洞非戶來陰風防徂
暑也敞南薨納陽日虞祁寒也木斲而已不加丹墻
汚而已不加白城階用石羃總用紙竹簾紵幃率稱
是焉堂中設木榻四素屏二漆琴一張儒道佛書各
三兩卷樂天旣來爲主仰觀山俯聽泉傍睨竹樹雲

唐之有元
自也大開

宋文一路
而宋濫觴

焉耳

石自辰及西應接不暇俄而物誘氣隨外適內和一
宿體寧再宿心恬三宿後頽然嗒然不知其然而然
自問其故答曰是居也前有平地輪廣十丈中有平
臺半平地臺南有方池倍平臺環池多山竹野卉池
中生白蓮白魚又南抵石澗夾澗有古松老杉大僅
十人圍高不知幾百尺脩柯戛雲低枝拂潭如幢豎
如蓋張如龍蛇走松下多灌叢蘿蔦葉蔓駢織承翳
日月光不到地盛夏風氣如八九月時下鋪白石爲
出入道堂此五步據層崖積石嵌空垤塊雜木異艸
蓋覆其上綠陰蒙蒙朱實離離不識其名四時一

又有飛泉植茗就有烹燂好事者見可以永日堂東
有瀑布水懸三尺瀉階隅落石渠昏曉如練色夜中
如環珮琴筑聲堂西倚北崖右趾以剖竹架空引崖
上泉脉分綫懸自簷注砌累累如貫珠霏微如雨露
滴瀝飄灑隨風遠去其四傍耳目杖屨可及者春有
錦繡谷花夏有石門澗雲秋有虎谿月冬有鑪峰雪
陰晴顯晦昏旦含吐千變萬狀不可殫紀見縷而言
故云甲廬山者噫凡人豐一屋華一簣而起居其間
尚不免有驕穩之態今我爲是物主物至致知各以
類至又安得不外適內和體寧心恬哉昔永遠宗雷

七月山白雲
時等待

輩十八人同入此山老死不反去我千載我知其心
以是哉矧予自思從幼迨老若白屋若朱門凡所止
雖一日二日輒覆簣土爲臺聚泉石爲山環丰水爲
池其喜山水病癖如此一旦蹇剝來佐江郡郡守以
優容而撫我廬山以形勝待我是天與我時地與我
所卒獲所好又何以求焉尚以冗員所羈餘累未盡
或往或來未遑寧處待予異時弟妹婚嫁畢司馬歲
秩滿出處行止得以自遂則必左手引妻子右手抱
琴書終老於斯以成就我平生之志清泉白石實聞
此言時三月二十七日始居新堂四月九日與河

每品有上中下各刻于石陰曰半氏石甲之上而之中乙之下噫是石也百千載後散在天壤之內轉徙隱見誰復知之欲使將來與我同好者視斯石覽斯文知公之嗜石之自會昌三年五月丁丑記

吳郡詩石記

貞元初韋應物爲蘇州牧房孺復爲杭州牧皆豪人也韋嗜詩房嗜酒每與賓友一醉一味其風流雅韻多播于吳中或曰韋房爲詩酒仙時予始年十四五旅二郡以幼賤不得與遊宴尤覺其才調高而郡守尊以當時心言異日蘇杭苟獲一郡足矣及今自中

書舍人間領二州。去年脫枕印。今年佩蘇印。旣醉于
彼。又嗟于此。酣歌狂什。亦往往在人口中。則蘇枕之
光景。韋房之詩酒。兼有之矣。豈始望及此哉。然二郡
之物狀人情。與曩時不異。前後相去三十七年。江山
是而齒髮非。又可嗟矣。韋在此州。歌詩甚多有郡宴
詩云。兵衛森畫戟。燕寢凝清香。最爲警策。今刻此篇
于石。傳貽將來。因以予旬宴一章。亦附于後。雖雅俗
不類。各咏一時之至。偶書石背。且償其初心焉。寶曆
元年七月二十日。蘇州刺史白居易題。

元集盧范陽張允中南陽張深之東西二林寺長老
湊朗蒲晦堅等凡二十有二人具齊施茶果以落之
因爲草堂記

太湖石記

富哉石乎厥狀非一有盤拗秀出如靈丘鮮雲者有
端儼挺直如真官神人者有縝潤削成如珪瓚者有
廉稜銳劇如劒戟者又有如虬如鳳若踞若動將翔
將踴如鬼如獸若行若聚將攫將鬪風烈雨晦之夕
洞穴開噎若欲雲歎雷嶷嶷然有可望而畏之者烟
霽景麗之旦巖崿靈黠若拂嵐撲黛靄靄然有可狎

多不經鍊
處太似逢
迎老嫗

而翫之者。昏曉之交。名狀不可撮要而言。則三山五
岳。百洞千壑。覩縷族縮。盡在其中。百仞一拳。千里一
瞬。坐而得之。此所以爲公適意之用也。與公迫觀熟
察。相顧而言。豈造物者有意于其間乎。將胚渾凝結。
偶然成功乎。然而自一成不變已來。不知幾千萬年。
或委海隅。或淪湖底。高者僅數仞。重者殆千鈞。一旦
不鞭而來。無脛而至。爭奇騁怪。爲公眼中之物。公又
待之如賓。友親之如賢。皆重之加寶。玉愛之如兒孫。
不知精意有所召邪。將尤物有所歸邪。孰不爲而來。
邪。必有以也。石有大小。其數四等。以甲乙丙丁品之。

上門下裴相公書

唐 元 稹

以元白才
稍去老生
常語有何
難哉

昔者相公之掾洛也。稹獲陪侍道途。不以妄庸語及
章句。則固竊聞閣下以文皇初起居郎。書居安思危
四字於笏上。爲至戒矣。今陛下當晉武平吳之後。閣
下卽周公東征而還。安孰甚焉。思豈可廢。況今四邸
竝開。掃門之賓競至。碣石餘沴。束身之歎未堅。則閣
下推握食髮之意。可遽移之於高枕擊鐘之逸乎。且
夫得人則理之談實。老生之常語。至於切近。猶飢者
欲食。不可惡熟。俗而不言也。若稹之末學淺見。又安
敢引喻古昔於閣下。獨憶得近日故裴兵部之爲人。

也。堅。辨。清。淨。號。爲。名。流。及。其。爲。相。也。構。致。羣。材。使。棟。
梁。榱。桷。咸。適。其。用。人。頗。隘。之。至。於。激。濁。揚。清。亦。無。所。
愛。吝。是。以。秉。政。不。累。月。閣。下。自。外。寮。爲。起。居。郎。韋。相。
自。巴。州。知。制。誥。張。河。南。自。邕。幕。爲。御。史。李。西。川。自。饒。
州。爲。維。端。密。勿。建。梁。之。地。半。得。其。人。如。故。韋。簡。州。勲。
及。稹。等。拔。於。疑。礙。置。之。朝。行。者。又。十。數。然。後。排。異。已。
之。巨。敵。引。協。心。之。至。交。當。時。一。二。年。間。幾。至。於。姦。無。
蹊。隧。而。政。有。根。本。矣。及。山。東。沴。作。上。以。兵。事。咨。之。則。
對。以。禁。暴。息。人。之。外。不。能。有。以。佐。震。耀。是。以。樽。俎。之。
謀。不。專。於。廊。廟。益。兼。善。精。微。之。士。素。熟。于。心。胸。而。泛。

朱
布局太似

駕乘桴之才未嘗校量於左右也。比于閣下今日之
雄材大略爲短矣。然而卽世之後雖無李嚴廖立之
思。而十年之內備將相號名卿者多其引拔嗚呼方
鮑叔之功斯不細矣。昨者閣下方事淮蔡獨當鑪錘
內蘊深謀外排群議始以追韓信拔呂蒙爲急務。固
非叔孫通薦儒之日也。今殊勲旣建王化方行亦常
念魏鄭公守成之難而三復文皇帝思危之詔乎。以
愚思之欲人之不怨莫若遷授之有常。欲人之竭誠
莫若援拯於焚溺。何謂有常而不怨。以省言之。由後
行爲前行以臺言之。自察院轉殿院苟不如是則怨。

閱此等文

字欲如味

飄飄而輕

舉情睥睨

而更新固

難然老成

讀書經國

以計如老

老臨境

矣。苟能如是何恩哉。何謂援拯而竭誠某又不敢移
之於他人。借如小生之庸且昧也。固不及班行之中
輩。又敢自讓於郎吏之末者乎。向使元和之一年爲
拾遺。二年爲補闕。不三四年爲員外。又三四年爲正
郎。則宰物者雖朝許之以綸誥。暮許之以專席厚則
厚矣。遽責其隳肝瀝胆。同廝養之用力亦難哉。及夫
爲計不良。困于溝瀆者十年矣。苟有舒其胝。擥置之
趨走者。又安敢愛氣力。吝心髓於和扁耶。是猶龜鼉
之有泉。鳥鳥之有林。何嘗媿於水木。苟或繫而籠之。
鑊而檻之。其或放之投之者。則必啁歌顧慕以報之。

報其免于難也。今天下病溝瀆困籠檻思閣下藥之
養之投之放之者豈特小生而已哉。且褻時之室閣
下及小生者豈不以閣下疏有居安思危之字爲抵
忌對上以河南縣尉非貶官爲說乎。向非褻兵部一
二明之則某終老于窮賤固其宜也。儻閣下復二三
年遲廻于外任則少陽邀望之際固未得奉煌煌之
命以周知其巢穴矣。當元濟討賊之始又安能定已
成之策于上前排未亡之疑于衆口哉。今天下能不
有萬一于閣下之才略而猶跼足帖脇私自憐愛其
志力哉。況當今陛下在宥四海與人爲天特降舍垢

又將裴良
即作一波
浪收拾

棄暇之書且授隨才任能之柄于閣下閣下若能蕩
滌痕累洞開嫌疑棄仇如振塵愛士如救餒使恃才
薄行者自贖于煩辱以能見忌者騁力于通衢上以
副陛下咸與惟新之懷次有以廣閣下好善救人之
道從使千百年外謂閣下與裴兵部爲交相短長亦
足爲賢相矣未盡善也且夫當陛下肇臨宇宙之初
與得天久照之後愈光明矣安有裴兵部拔羣材于
前則盡行閣下拔羣材於後則盡廢以閣下沐浴恩
波之始與徽猷克壯之秋愈汪洋矣又安有救裴寰
之罪換禹錫之官則盡易振天下之窮滯行渙汗之

條目則盡難某雖至愚未敢然也某自十年遭
故每欲發書朋舊尚不敢陳盡其情豈不知干宰相
有不測之罪耶熟自計之與其瘴死蠻夷自題不遇
之勝比夫塵穢尊重伏危言之刑無異也聊因所善
緘獻鄙誠翹企刑書不敢逃讓

與史館韓愈郎中書

郎中退之足下某與前袁州文學掾甄逢游善逢故
刑部員外郎濟之子濟天寶中隱于衛之青巖山採
訪使苗公等五人皆以狀薦凡十徵不起末以左拾
遺就拜之適祿山朝奏京城懇于上前求爲賓介玄

劉軻口何
必替吾目
然後國語
則吾足然
後兵法抵
宮刑然後

宗可其奏祿山還至衛遣太守鄭遵意詣山中致命
輟行信宿以俟之甄生慮不得免乃僞瘖其音復隱
青巖踰年而祿山叛卽日遣僞節度使蔡希德緘刀
逼召且曰或不可彊斬首來徇旣而甄生禁閉無言
延頸承刃氣和色定若甘心然希德義而捨之祿山
亦終不能致慶緒繼逆虜而囚之東都安國觀代宗
復洛甄生臥匡牀詣元帥府至則號撲自治代宗爲
之動色遂命傳置長安肅宗高其行因授館于三司
治所令從賊官囚慚拜之受污者莫不俯伏仰歎時
恨不卽死于其地且大辯所從于居易之時堅直操

報書所
抗直喜
斥不
所以朝失
所不自悔
喜事溢堅
者也

平利仁之世而猶稱淺選與者之所不爲蓋拂人
心難而害已之避深也况乎天下亂矣王澤竭矣死
忠者不必顯從亂者不必誅而曰眷眷本朝甘心白
刃難矣哉是以治平則爲公爲卿爲駕爲鷺世變則
爲蛇爲豕爲獍爲鴞者十常八九焉若甄生冤并不
加其身祿食不進其口于天寶末蓋青巖一男子耳
及亂則延頸承刃分死不回曰不以不顯而廢忠不
以不誅而從亂叅合古今之士蓋萬一焉某嘗讀注
記闕而未書謹備所聞蓋欲執事者編此義烈以永
承于來世耳子逢始生之歲顏太保崔太傅皆爲歌

敬得沐浴
蒲志可爲
甄生傳神

詩以美賢者有後且序甄生之本末及逢旣長耕先
人舊田于襄之宜城讀書爲文不詣州里歲饑則力
穡節用以給足于親族歲穰用施餘于其鄰里卿黨
之不能自持者前後斥家財排患難于朋友者數四
由是以義聞襄之守狀爲文學始就羈于吏職某聞
風旣久因與之游逢每冤其父之名不在于史將欲
抱所冤詣京師告訴司吏氏蓋行有日矣以愚料之
甄生僕短馬疲言約行孤將不爲驕閭之所排則權
力者遲疑以臨之固無自而入矣因曉甄生以無自
入之勢且告以執其事者辱與某游願得所冤之狀

告夢生厚相信待山是執行既而自思清曉之中
願貢所聞于執事得非愚且僭也然謂笑之暇幸垂
察焉不宜某再拜

察無不宜其再

獨貢祇聞于辨車非愚且格此燕清美之巡幸

人遠山鳳跡詠餘出長陣谷潤而自以叙州之

贈裴度太師制

唐 李德裕

贈裴度太師制
司徒制信
能感物也
李所以不
言思在無
邪藜藿由
其不採贈
崔瑄左僕
射制用長
孺之道以
右正人微
京兆之言
豈聞非罪
既是親其
之直益彰
王鳳之邪

敕堯之舊臣伯益顯庸於舜禹周之元老召公流美
於成康永惟其人是屬良相裴度始以謀策除害佐
烈祖之中興終以忠貞立廟昆累聖之鴻業經緯之
志華皓不衰功勲爛然圖史輝焯奸邪所忌艱死于
時暨氛霧既開魚水將協條風孰見其喜愠零雨皆
美其來歸未踐明廷遽嬰沉痾威鳳莫翔於舊沼虛
舟長往於夜川殂謝之初朋黨異議贈典不稱人情
鬱然屬告類上玄煥流大號載懷先正宜有褒崇寵
既極於維師恩有加於在昔豈必望鄴侯之壘方念

謝悉怛謀
官維州副
使用周文
之心已同
葬骨念汗
城之枉仍
賜策書

茂功過梁道之祠乃思遺美以茲爲勸可不務乎

贈故蕃維州城副使悉怛謀制

敕兵家之法地有必爭遠則漢氏之得陰山何如慟
哭近則張愿之城河外朔方底寧乃茲維州寔爲險
隘有金湯之固居襟帶之衝沒爲戎疆垂六十載故
蕃維州城副使悉怛謀嘗解髮獻其壘垣議臣託
以和盟沮其誠款尋令束縛歸戮虜庭彼獲甘心幾
無噍類昔常山臨代爲全趙之寶符河西絕羗斷西
戎之右臂弃茲要害用長寇讐至今蜀人言必流涕
豈陳湯之專命由匡衡之廢忠言念始謀久罹幽枉

爰加寵贈用慰貞魂

授狄兼謨兼益王傳鄭東之兼益王府長史制

授元晦諫議大夫制魯公藏器莫如賓韋于左右漢后揖檻執若列游于公卿又曰勿沽小名以枉大節授鄭朗等制拾遺左右汲黯之願已諧祿賜愈多貢禹之誠當

○敕○古○者○聖○人○之○教○子○也○皆○妙○選○天○下○之○端○士○以○衛○翼○之○漢○代○梁○主○好○書○則○以○賈○誼○經○緯○之○才○推○明○其○志○淮○陽○好○政○則○以○玄○成○禮○讓○之○節○鎮○靜○其○浮○前○王○令○猷○百○代○良○法○況○朕○建○立○元○子○錫○之○粵○區○朱○邸○初○開○黃○髮○是○憲○以○兼○謨○慷○慨○納○說○有○袁○絲○正○席○之○忠○以○東○之○取○捨○俟○時○有○貢○禹○彈○冠○之○操○皆○行○不○苟○合○誠○無○暗○欺○歷○職○有○聲○居○正○無○撓○舉○其○素○行○擢○在○首○僚○爾○宜○廣○德○義○之○風○明○孝○愛○之○道○俾○其○嚴○於○問○寢○敬○不○絕○馳○化○與○心○成○

勸授李不制翼龍而飛既濡其雨露刑馬而誓已表于山河
 討劉稹制定天下者致風俗于大同安生人者齊法度于畫一又云建平二郡之旌鼓以列隆八創六十平之厲略盡歸王化

中道若性服我休命可不慎歟

奉宣撰贈回鶻書

朕想可汗公主以久修鄰好累降嘉姻望我國家如
 歸親戚朕每弘容納之意固無纖芥之嫌但以將相
 大臣累陳公議以可汗代居絕漠臨長諸蕃名聲既
 雄部伍甚衆今逗留塞上逼近邊城百姓不安人心
 疑惑耕種盡廢士馬疲勞朕二年以來保護可汗一
 國內阻公卿之議外遏將帥之言朕於可汗心亦至
 矣可汗亦須深見事體早務歸還所求種糧及安存
 摩尼尋勘退渾党項劫掠等事並當應接處置必遣

得宜惟是勘借一城自古以來未有此事天地以
漠山河限隔南北想蕃中故老亦合備知只如長安
東有潼關西有散關南有藍田關北有蒲關今四海
一家天子所都猶有限隔況蕃漢殊壤豈可通同且
天下者高祖太宗之天下朕守祖宗成業常懷兢畏
豈敢上違天地之限中隳祖宗之法每欲發一號施
一令皆告于宗廟不敢自專所借一城理絕言議想
可汗便須息意勿更披陳其餘令楊觀專往視喻朕
意

奉宣撰賜太和公主敕書

古文奇賞

卷九

賜太和公主敕書

四

李德裕

此漢家與
何奴書更
婉山王太

敕姑遠嫁絕域二十餘年跋履險難備罹屯苦朕每
念於此良用惻然恭惟太皇太后春秋已高慈愛深
厚比者望姑朝謁再敘悲歡倏已歲暮寂無音耗想
姑見舊國之城邑能不銷魂望漢將之旌麾必當流
涕今朔風既至霰雪已零絕國蕭條固難久處旃墻
屬暮何以禦冬肉飯酪漿且非適口朕撫臨萬寓子
育群生一物未安終食三歎況姑累年漂泊何日忘
懷想姑高明必是懸鑒姑承宗廟之餘慶爲三室之
懿親先朝割愛降婚義寧家國謂回鶻必能侮禦安
靜塞垣使邊人子孫不見兵革射獵者不敢西向畏

軒轅之臺今回鶻所爲甚不循理蕃渾是朕之人百姓牛羊亦國家所有因依漢地遂致蕃孳回鶻託以私讐恣爲侵掠每馬首南向姑得不畏高祖太宗之威靈欲侵擾邊疆姑得不思太皇太后之慈愛爲其國母足得指揮若回鶻敢不稟命則是棄絕姻好今日以後不得以姑爲詞若恃我爲親稟姑教令則須便自戢斂以繼舊歡想姑以朕此書喻彼將相令其知分更不徇非塞外祈寒且無絲纊朕每御裘服則思彼未授衣豈可因回鶻講張遂忘親愛今寄冬衣若干具如別錄

奉宣撰賜回鶻盟沒斯等詔

與點憂書
回鶻未滅
以前可汗
勿以飲食
爲甘弋獵
爲樂賜緣
邊諸鎮密
詔國家河
西隴右四
鎮一十八
州皆是吐
蕃因中國
有難相繼
陷沒今當
其破滅之
時上倚
扶之期

敕回鶻盟沒斯特勒那頡啜特勒悉勿啜特勒烏離
思特勒赤心宰相等張賈等回知卿等欲遠赴闕庭
自申忠款眷言深志豈忘于懷聞卿等本國頃因飢
荒遂至離散親屬內叛諸部外侵新立可汗猶未安
定既是國中所奉則爲卿等君親古人云未有仁而
遺其親者義而後其君者想卿等本心必思推戴况
回鶻代雄朔漠威服諸蕃今已破傷足堪悲憤若皆
自爭長不顧其君各據一隅必更衰弱深慮從此之
後爲諸蕃所輕與卿等本國代結姻親久脩鄰好每

念於此良用惻然與卿等爲謀須務遠大莫若自相
率勵同奉可汗興復本蕃再圖強盛朕欲召卿赴闕
親諭此懷又恐可汗聞知謂朕幸其艱危因有招納
蓋欲深全國體兼爲卿等避嫌以此思之難遂其請
卿等宜蚤歸本國不更滯留卿等表請噐甲朕君臨
萬國非止一蕃祖宗舊章不敢逾越國家未曾賜諸
蕃噐甲卿等亦合備知若一處開恩必自茲援例朔
州般次舊例須待可汗遣馳馬迎聖方令進發可汗
信使未至難於遣行今有賜物具在別錄以卿等率
先向發特示優恩緣新立可汗未受朝廷冊命數降

賜彥佐詔

資獻持重

屬在于卿

至于負羽

先登寡雄

深入本非

將相之事

假學勇

一

州紀聖

御銘誌

善將任

像而不

口角好

使○至○卿○等○部○落○亦○恐○非○宜○所○有○賜○賚○止○於○此○度○想○卿○
等○明○識○深○諒○朕○懷○便○令○高○品○魏○敬○休○宣○諭○想○宜○知○悉○

奉宣撰賜石雄詔

敕○石○雄○古○者○有○必○勝○之○將○無○必○勝○之○人○欲○立○奇○功○實○
在○謀○師○朕○所○以○求○驚○鳥○於○累○百○得○飛○將○於○無○雙○總○率○
諸○軍○以○臨○賊○境○况○卿○受○入○一○之○詔○初○無○辦○嚴○盤○丈○八○
之○矛○果○能○盪○寇○眷○言○勲○績○深○注○余○懷○近○聞○從○諫○時○百○
姓○相○驚○云○卿○以○七○千○兵○至○數○告○於○衆○魄○兆○於○人○今○天○
策○向○農○已○及○成○軍○之○候○龍○驤○建○旆○必○協○渡○江○之○誼○舊○
吏○昭○然○冥○符○可○驗○加○以○天○道○在○乎○西○北○順○歲○有○功○福○

星燦乎龍庭爲國大慶。勉弘方略。契此休徵。昔鍾會以二十萬兵。頓於劔閣。鄧艾衆纔一萬。直抵成都。只在決機。豈由衆寡。知卿能辦。故諭此懷。然聞卿每自履軍。常先士卒。既有輕敵。未足耀奇。朕惜卿一舉之功。以定必擒之計。至於小陣。不可自行。魏武帝常戒夏侯妙才曰。爲將當有怯時。不可但恃勇也。當以勇爲本。行之以智計。但知任勇。一匹夫敵耳。張遼單身入昌稀家。魏武責曰。此非大將法。今卿爲萬人之帥。啟十乘之行。舉必貴謀。動資持重。報國在於平賊。不在輕身。爲將本于坐籌。寧勞陷陣。卿宜以朕之戒。嘗

自書糾務建功名。副茲委遇。

議禮法等大事

入奏此見
文士或已

居重位或

已是暮年

死。爲文

只堪酬報

○請增諫

議品秩其

秩峻其任

重則君敬

其言而用

其道

起若注狀

具起居改

轉便望以

已呈電

右按史記仲尼在位獄訟之詞有可與人共者不獨
有也。伏以漢魏以來朝廷大政必令公卿奏議講求
理道博盡群情所以政必有經人皆務學著在史策
粲然可觀臣等商量如有事關禮法羣臣疑滯者各
望令本司申尚書都不可禮官學官詳議意見不同
者任爲別狀如是刑獄亦令法官同議然後丞郎以
下詳具可否聞奏如郎吏有能駁難者皆許上聞並
須先據經義其次取正史策故事不得自爲意見言

臣等朝廷
具知者方
月紀述

涉浮華如禮官學官才議出人議論精當者向後擢
授臺省官卽吏別與遷擢所冀漢魏之風復行今日
論太和五年八月將故維州城歸降准詔却執
送本蕃就戮人吐蕃城副使悉怛謀狀

右臣頃蒙先朝授劔南西州節度使其悉怛謀雖是
吐蕃酋長久樂皇風將彼堅城降臣當道臣差行維
州刺史虞藏儉便領兵馬入據其城飛章以聞先帝
驚喜其時與臣讐者望風疾臣遽興疑言上謂宸聽
以爲與吐蕃盟約不可背之必恐將此爲詞侵犯郊
境遂詔臣却還此城兼執送悉怛謀等令彼自戮復

降中使迫促送還昔白起殺降終于杜郵致禍陳湯
見按是爲郅支報讐感歎前事愧心終日今者幸逢
英主忝被台司輒敢追論伏希省察且維州據高山
絕頂三面臨江在戎瀘平川之衝是漢地入邊之路
初河隴盡沒唯此州獨存吐蕃潛將婦人嫁與此州
門子二十年後兩男長成竊開壘門引兵而入遂爲
所滅號無憂城從此得併力於西邊更無虞於南路
憑陵近甸盱食累朝貞元中韋臯以經略河湟此城
爲始盡脫萬旅急攻數年吐蕃愛惜旣甚遣其舅論
莽熱來救雉堞高峻臨衝難及于層霄鳥徑屈膝猛

士多麋於礮石莫展公輸之巧空擒莽熱而還及南
蠻負恩掃地驅劫臣初到西蜀衆心未安外揚國威
申緝邊備其維州熟臣信今乃迭款與臣臣告之以
須俟奏報貴探情僞其悉但謀等尋帥城兵并州印
甲仗塞途相繼空壘來歸臣卽大出牙兵受其降禮
南蠻在列莫敢仰視況西山八國隔在此州比帶使
名都成虛語諸羌久苦蕃中徵役願作王人自維州
降後皆云但得臣信牒帽子便相率內屬其蕃界合
水棲鷄等城旣失險阻自須抽歸可減八處鎮兵坐
收千餘里舊地臣見此有莫大之利爲恢復之機所

以面許奏聞各加酬賞臣自與錦袍金帶願自朝旨
且吐蕃維州未降以前一年猶圍逼魯州以此言之
豈守盟約況臣未嘗用兵攻取彼自感化來降又阻
議之人豈思事實犬戎遲鈍土曠人稀每欲乘秋犯
邊皆須數歲聚食臣得維州逾月未有一使入疆自
此之後方應破膽豈有慮其復怨鼓此游詞臣受降
之初指天爲誓寧忍將三百餘人可憤性命棄信累表陳
論乞垂矜舍答詔嚴切竟令執還加以體被三木與
於竹畚及將卽路冤叫嗚呼將吏對臣無不隕涕其
所送者更遭蕃帥譏誚云旣以降彼何須送來乃却

將此降人戮於漢界之上恣行殘忍用固携離至乃
擲其嬰孩承以槍槊臣聞楚靈誘殺蠻子春秋明譏
周文收送鄧叔簡冊昭垂況乎大國負此異族絕忠
欵之路快凶虐之情從古以來未有此事職由愚臣
陷此非罪臣所以具陳根本不憚繁細冀蒙睿鑒追
獎忠魂伏乞宣付中書各加褒贈冀華夷感德幽顯
伸冤警既往之倖心激將來之峻節

三國論

魏蜀吳三分天下而亡有先後非形勢有輕重積累
有厚薄察其政柄所歸則亡之先後可知也蜀政在

永藏贊皇
小刻抄本
惜不能盡
刻

政在黃皓
仲達不
牽帷牆一
篇斷案

於○黃○皓○皓○隸○人○也○內○不○能○修○武○侯○之○舊○典○外○不○能○制○
姜○維○之○黷○武○紀○綱○日○壞○君○子○不○服○所○以○先○亡○也○魏○自○
明○帝○之○後○政○歸○仲○達○齊○王○已○降○唯○守○空○宮○亡○之○淹○速○
繫○于○師○昭○之○志○將○移○神○噐○之○重○顏○服○天○下○之○心○未○立○
大○功○亦○不○敢○取○所○以○蜀○滅○而○魏○亡○也○孫○皓○雖○驕○奢○極○
欲○殘○虐○用○刑○而○自○專○生○殺○之○柄○不○牽○帷○牆○之○制○運○盡○
天○亡○而○後○夷○滅○由○是○而○知○人○君○不○可○一○日○失○其○柄○也○
如○神○龍○之○脫○深○泉○震○雷○之○無○烟○氣○威○靈○既○露○人○得○制○
之○蔣○濟○觀○魏○文○帝○與○夏○侯○尚○詔○曰○作○福○作○威○爲○亡○國○
之○言○所○謂○柄○者○威○福○是○也○豈○可○假○于○臣○下○哉○後○代○觀○

三國之事可不戒懼哉

舊臣論

觀其失論
則周秦行
紀決係僞
撰刻集澗
入何無識
也

或問先王論道之臣事後王乎曰不改先王之道則
事之改先王之道則去之以事堯之心事舜禹者其
臯陶益稷乎以事武王之心事成王者其周召乎以
事漢高之心事惠帝者其蕭曹乎曹參尚不易蕭何
之規況高祖之道昔區區楚國醴酒不設穆生先去
且穆生豈爲已也蓋傷廢先王之道不忍見後王之
面其不去者焉得免胥靡之恨哉魏晉以降居相位
者皆覲面愧心而已又有攘臂於其間者倚據先王

之○道○以○諱○舊○過○改○張○先○王○之○道○以○媚○新○君○棄○先○王○之○
故○老○以○掩○其○羞○用○先○王○之○罪○人○以○協○其○志○若○天○地○間○
無○神○明○則○已○儻○有○神○明○鬼○得○而○誅○之○矣○

臣子論

士之有志氣而思富貴者必能建功業有志氣而輕
爵祿者必能立名節二者雖其志不同然時危世亂
皆人君之所急也何者非好功業不能以戡亂非重
名節不能以死難此其梗槩也好功業者當理平之
世或能思亂唯重名節者理亂皆可以大任平澹和
雅世所謂君子者居平必不能急病理煩遭難亦不

能指驅濟危可以羽儀朝廷潤色名教如宗廟瑚璉
園林鴻鵠雖不常爲人用而自然可貴也然世亦有
不拘小疵而能全大節者如陳平背楚歸漢漢王疑
其多心令護諸將又疑其受金可謂不能以名節自
固矣及功成封侯辭曰非魏無知臣安得進漢高曰
若子可謂不背本矣其後竟誅諸呂以安劉氏近日
宰相上官儀詩多浮豔時人稱爲上官體實爲正人
所病及高宗之初竟以謀廢武后心存王室至於宗
族受禍郭代公倜儻不羈之士也少不以名節自檢
當蕭岑內難保護睿宗雖履危機竟全臣節則名節

不拘小疵

之間不可以一槩論也。陳平能不背魏，無知所以必
不負漢王矣。今士之背本者，人君豈可保之哉。
許公所曲

逆此一節

忠諫論

人君拒諫有二：一曰生於愛名，二曰不能去欲。雖桀
紂、桓靈之君，未能忘名，自知爲惡多矣，畏天下之人
知之，將謂諫則惡不可掩，故不欲人之諫。已如晉獻
公，驪姬寢不安，齊桓非易牙，食不美，必不能去之，亦
不欲人見已人臣忠諫，亦有二欲：道行於君，可使身
安國理者，其辭婉，欲名高後世，不顧身危。國傾者，其

錫對是西漢體

填事而不
煩古今鉅
手

方士論序

同既久歡

樂不已極馳

騁弋獵之

力疲矣天

馬駭雞之

求自心矣

壯壯角無之

戲倦矣絲

竹
鞭
鼓
之

音獻矣以

仙爲奇

以方士爲

以亦鹿角

辭詰若考叔故大隧以成莊公之孝介唐獻犬鴈以復文侯之愛留侯封雍齒以安群臣招四皓以定惠帝此所謂婉也諫大夫言婢不爲王白馬令言帝欲不諱激主之怒自有其名望其聽從固不可得此所謂訐也漢元帝欲御樓船薛廣德當乘輿諫曰至刎以血汚車輪則陛下不入廟矣張猛曰乘舩危就橋安聖主不乘危元帝曰曉人不當如是耶則知諫之道在于婉矣唯英主必能從諫何者自知功德之生人者大矣雖有小惡不諱人言如漢高械繫蕭何國及聞王衛尉之言曰我不過爲桀紂主而相國爲

黃金可成
青霄可上
同不在干
量海無形
堯此是深
人人主與
安處

遙對

賢相此所謂不諱也近日名臣王石泉居相時子爲
眉州司士天后嘗問曰卿在相位子何遠乎對曰
陵是陛下愛子今猶在遠臣之子焉敢相近有
君子之心亦倉唐之比也

王言論

夫帝王與群臣言不在援引古今以飾雄辯唯在簡
而當理雄辯不足以服奸臣之心唯能塞諂臣之口
昔田蚡請考功地益宅武帝曰遂取武庫衛將軍言
郭解家貧又曰布衣權至使將軍知此其家不貧殷
仲文言音樂好之自解宋祖曰吾祇恐解此謂解而

當理足使奸臣奪心邪人破膽矣予歷事六朝弼諧
二主文宗辭皆文雅而未嘗騁辯武宗言必簡要而
不爲文飾皆得君人之量能盡臣下之詞豈唯王官
如是人臣亦當然也其有辯若波瀾辭多枝葉文經
意而飾詐矯聖言以蔽聰此乃奸人之雄游說之士
焉得謂之獻替哉爲臣者當戒於斯慎於斯必不獲
罪於天矣

退身論

老子曰功成名遂身退天之道也昔予嘗感焉自前
朝李右相元中書皆宴安厚味終嬰大戮所以文種

不是一退
字便了

有藏弓之恨李斯有稅駕之歎張華顧優游而不獲

裴顏勸廢賈后華谷

傳亮贊識微而不免此四子者

以庶可優游卒歲

皆神敏知幾聰明志古圖國致霸動必成功而自謀

其身猶有所恨況常人哉其難於退者以余忖度頗

得古人微旨天下善人少惡人多一旦去權機不測

操政柄以禦怨誹者如荷戟以當狡獸閉關以待暴

客若捨戟開關則寇難立至遲遲不去者以延一日

之命庶幾終身之禍亦猶奔馬者不可以委轡乘流

者不可以去楫是以懼禍而不斷未必皆耽祿而患

失矣何以知之余之前在鼎司謝病辭免尋卽遠就

急流中一
筏善人也

澤國自謂在外而安。豈知以天高不聞身遠。受害近者。自三公鎮於舊楚。懇辭將相。歸守丘園。而行險之人。乘隙構患。竟以失巨浪而懸肆。去灌木而嬰羅余。豈不知身退。罹殃蓋取同種。斯之不去也。則知勇退者。豈容易哉。如陸士衡。稱不知去勢。以求安辭。寵以招福。斯言過矣。唯有遭逢善人。則庶可無患。故范曄得蔡澤退而不辱。虞丘得叔孫去而不困。其次剛毅者。有心者。亦可矣。子文舉子玉。以靖國隨會。避郤子以紓亂。皆保其節矣。若小人則禍必及之。無所逃也。終不及扁舟變姓名。浩然五湖之外。不在人間之世。

斯可以免矣

豪俠論

只快其匿
季心一節
與黯並稱
亦奇論也

袁盎汲黯皆豪俠者也。若非氣蓋當世，義動明主，豈有是名哉？袁盎曰：緩急人所有，故善劇孟。匿季心，汲黯好遊俠，任氣卽善灌夫，所以知其然也。余斯言豈徒妄發？楊子所謂孟軻之勇類於是。夫俠者蓋非常之人也。雖以然諾許人，必以節義爲本義。非俠不立。俠非義不成。難兼之矣。所謂不知義者，感匹夫之交，校君父之命，爲貫高、危、漢、祖者是也。所利者邪所害者，正爲梁王殺袁盎者是也。此乃盜賊耳焉。得謂之

又開出世
實爲誦經
畢發藥

項王亭賦
漢王猶龍

俠哉唯鋤魔不賊趙孟承基不忍志寧純于承基爲承親賊于志
寧見其執喪盡哀不忍害之也斯爲真俠矣淮南王憚汲黯以其守
節死義所以易公孫弘如發蒙耳黯實氣義之兼者
士之任毒而不知義皆可謂之盜矣然士無氣義者
爲臣必不能死難求道必不能出世近代房孺復問
徑山大師欲習道可得至乎徑山對曰學道者唯猛
將可也身首分裂無所顧惜由是而知士之無氣義
者雖爲桑門亦不足觀矣

英傑論

帝王之於英傑當須御之以氣結之以恩然後可使

項氏如虎
龍雖困而
能變虎雖
雄而易摧
一神一鷲
宜乎負絕

也。若不以英氣折之而寵以姑息則驕不可任若不

以恩愛結之而肅以體貌則怨不爲用駕馭之術唯

漢高祖盡之黥布歸漢高祖方踞床洗而召布入見

易怒

布大怒悔來欲自殺出就舍帳服御飲食從官如漢

易喜

王居布又大喜過望武帝踞廁見衛青青以大將軍

先○秦○語○

之貴而隸人蓄之此不得不絕大漠而盪葷粥獫狁

也。蜀先主與關羽張飛同臥起而稠人廣坐侍立終

日皆用此道故能成功夫御英傑使猛將與見道德

之人接方正之士不同也不可以繁禮飾貌以浮辭

足言宜洞開胸懷今見肝肺氣懾其勇恩結其心

雖洗召之不爲薄矣。祿山夷狄之謫詐者也。非將門英豪。艸萊奇傑。其戰鬪之氣。擊刺之才。去關張遠矣。天寶末。受專征之任。託不御之權。入朝。賜宴坐內殿。西序。鷄陣之下。非其所據。果蓄異圖。幽陵厲階至今。爲梗。蓋恩甚驕。盈以比於此。儻以徒隸蓄之。豈有斯恨。

臣友論

君之擇臣士之求友。當以氣志爲先。患難爲急。漢高以周勃可屬大事。又曰。安劉氏者。必勃也。文帝戒太子曰。卽有緩急。亞夫真可任。將兵此皆得於氣志之

忽叠一語
又叠四語
毫無架複
是最高手

間而後知可以託孤寄命矣何者人君不能無緩急
士君子未嘗免憂患故漢高知周勃可託文帝識亞
夫可任信陵降志於朱亥袁盎不距于劇孟夫周文
以閔天而禦侮孟宣以彌明而免難孔聖得仲由而
不聞惡言宗祖失穆之而謂人輕我則擇臣求友得
不先此乎大倉令淳于公歎生子不生男緩急非有
益也緹縈自傷乃上書贖父罪詩曰鶴鳴在原兄弟
急難父子兄弟未嘗不以赴急爲仁孝況朋友之際
本以義合貴盛則相望以力憂患而不拯其危自保
榮華坐觀顛覆可不痛哉昔衛青之哀也故人多事

冠軍而任安不去吳章之敗也門人更名他師而幼
孺自效此所以可貴也善人良士祇可以淡水相成
虛舟相值聞其患也則策足先去曰見幾而作不俟
終日知其危也則奉身而退曰旣明且哲以保其身
良士之于人如是曷若識劇孟朱亥哉

天性論

簡而當理
是公作論
法故能剪
除浮蔓而
不見刀鋸
之痕則其
筆力高也

余開成中作鎮淮服聞東宮爲人所構天子赫然大
怒召宰臣及公卿大僚議于內殿其時諫者僉曰太
子幼年思慮未至亦曰太子之年足以改過往復移
時大略不出于此夫明主可以理奪其要在於開所

未聞昔于秋上書言子弄父兵罪當笞耳武帝一言而寤蓋以簡而當理魏太祖嘗謂諸子曰吾必不用左右之言以理汝曹何者使左右君子也必不離人父子之間使左右小人之言必不可用其時無人以此言寤主因問主上太子之過得於何人言之者與太子恩愛厚薄何如哉文宗聰明睿知聞之必寤寤之後太子必妄以余揣之不三數月則父子如初矣蓋以父子之愛發于天性言之者必當易悟況一子乎是以漢高觀四皓上壽悲歌鴻鵠宣帝以玄成退讓令傳淮陽元帝聞史丹稱器人于絳竹牀

此公相略也識時務之言

詠郭誼等勅理體靜者不可以區刃圖蚡蔓者必絕乎本根又

然而笑皆□□□屈已拾愛可不謂之天性哉文宗竟不得一聞是言豈太子之命也歟請讓當時之議極矣

賓客論

古人稱周公吐握下士而天下歸心唯周公則可何也文王之子武王之叔父于天下無嫌矣故唯周公則可稟上聖之姿邪不得入是以好士不為累也漢武為戾太子立博望苑使通賓客多以異端進者始皆欲招賢人而天下賢人少小人多賢人難進小人易合難進者鴻冥易合者膠固矣何以知之劉滯有枚乘鄒陽不用其言而應高田祿伯為其羽翼劉武

日狐鼠之
妖依丘穴
而自問牛
牛之力得
水神而愈
曰恐實客
亦有此
也

有鄒陽韓安國不用其謀而羊勝公孫詭爲其腹心
劉安行陰德好文辭雖愛神仙黃白未害爲善終以
左吳被敗以是而知雖骨肉之親非周公聖德皆不
可也班固稱四豪者六國之罪人也今不復論矣呂
不韋習戰國之餘風陳豨值漢綱之疎闊逮乎魏其
武安終以權勢相傾自武安之後天子切齒衛霍改
節則賓客之爲害固可知矣公孫弘起客館開東閣
以延賓客賢人與參謀議非也然謂之賢人必非黨
附朝宰交亂將相者矣其時武帝躬親萬機嚴明御
下人自中法不敢爲非宰相唯有平津政出一孔自

附馬不許
至要官私
第狀令即
于中書見
宰相

然無傾奪之勢。其賓客故人。不居顯位。未足為朝廷
患也。然主父偃言朔方地肥饒。阻河蒙恬城以逐匈奴。
滅胡之本。公孫弘以為不可。朱買臣發十難。弘不
能得其一。又奏人不得挾弓弩。吾丘壽王以為不便。
上以難丞相丞相詘服。則知平津之賓客不及天子
之近臣明矣。雖有賓客。何益于謀議哉。況世秉大政。
不出一孔者。常不下三四人。而輕薄游相門。與柳槐齊列。所謀
以傾奪為首。所議以勢利為先。是以魏其武安之徒。
共成禍敗。劉班殷鐵之客。不相往來。又役奸智。獻奇
計者。道其邪徑。苟合匪人。世道險巇。無不由此。昔漢

下天子切齒

武謂田蚡曰君除吏盡未吾亦欲除吏哀帝責鄭崇
曰君門如市人何以欲禁切主上皆賓客之害也余
謂丞相閉關謝絕賓客則朝廷靜矣大擔當語

謀議論

毫州聖水
狀速令填
塞以杜妖
源王智興
度僧元狀
九至誕節
淮以南
六都六十
丁壯此
非細又
被宗訪
三午

欲知謀議之用捨身名之榮辱觀其立論可知也切
於時機明于利害人主易曉當世可行其謀必用而
終有後咎鼂錯主父偃是也何者切時機明利害皆
怨誹所由生享其利而自罹其害謀闢意中言高旨
遠其可法其術則疎必有高名而不用于世賈
王陽是也謀議不行故能無患智足應變道可與權

之內四泰
詔書未嘗
以一人實
詔並其持
議之正也
公之謀議
靜容精遠
以斷為主
與盧鈞書
尚書以子
產諸易亮
何如人也
尚不以寬
而理斷可
知矣

言雖切于人情意常篤于禮義謀不盡用而身無近
憂賈誼是也故當漢文之世亦無高位余門客崔世
叔卽宋廣平之維私也崔世叔名犯廟諱又常預燕公代公
之戎幕故知三丞相才業甚備曰廣平好言政事燕
公好言文學至于經國遠慮意鮮及之與代公言初
若涉川未知所止寥廓廣大莫見津涯味之既深思
意逾密代公常爲西北邊將師論四夷事慮必精遠
則崔之言信有徵矣凡侍坐于君子聞其言可以知
其才術遠近用此道也

文章論

經典邵守

序李韓全

刻云日房

杜姚宋之

後相之有

聲者衛公

李文饒而

王楊燕許

之後儒之

可宗者文

公韓退之

而已其之

論衛公者

必以功烈

言而鮮及

平文章論

文章者必

以文章稱

或略于

魏文典論稱文以氣為主氣之清濁有體斯言盡之

矣然氣不可以不貫不貫則雖有英辭麗藻如編珠

綴玉不得爲全璞之寶矣鼓氣以勢壯爲美勢不可

以不息不息則流宕而忘返亦猶絲竹繁奏必有希

聲窈眇聽之者悅聞如川流迅激必有洄洑逶迤觀

之者不厭從兄翰常言文章如千兵萬馬風恬雨霽

寂無人聲蓋謂是矣近世誥命唯蘇廷碩叙事之外

自爲文章才實有餘用之不竭沈休文獨以音韻爲

切輕重爲難語雖甚工旨則未遠夫荆璧不能無瑕

隋珠不能無類文旨旣妙豈以音韻爲病哉此可以

要地皆然
二公皆為
表州刺史
故並刻之

言規矩之內不可以言文外意也。較其師友則魏文
與王陳應劉討論之矣。江南唯於五言為妙。故休又
長于音韻。而謂靈均以來此秘未覩。不亦誣人甚矣。
古人辭高者。蓋以言妙而適情。不取於音韻。曹植七言詩有
回泥諧旅四韻。王粲詩有攀原安三韻。班固漢書贊
及當時辭賦多用協韻。猗于元勳包田舉信是也。
意盡而止。或篇不拘于隻耦。文選詩有五韻七韻十
者。今之文字四韻六韻。以至百韻無隻者。故篇無定曲。辭寡累句。譬諸音
樂。古詞如金石琴瑟。尚于至音。今文如絲竹鞀鼓。迫
于促節。則知聲律之為弊也甚矣。世有非文章者曰。
辭不出于風雅。思不越于離騷。模寫古人何足貴也。

予曰譬諸日月雖終古常見而光景常新此所以爲靈物也予嘗爲文箴今載于此曰文之爲物自然靈氣惚恍而來不思而至杼柚得之淡而無味琢刻藻繪珍不足貴如彼璞玉磨礱成器奢者爲之錯以金翠美質旣雕良寶所棄此爲文之大旨也

人物志論

余嘗覽人物志觀其索隱精微研幾玄妙實天下奇才然品其人物往往不倫以管仲商鞅俱爲法家是

不究其成敗之術也

僧一行稱調盈虛御輕重唯太公管仲雖霸者之佐不及管仲

亦不宜比商鞅鞅以子產西門豹俱爲器能是不辨

無論一人
又尋一人
配饗奇冤
也得此甚
快

禱祝論人
患不誠天
之去人不
相遠矣

其精麗之迹也。子產多識博聞叔向且猶不及故仲
尼敬事之西門豹非其匹也。其甚者曰辨不人道而
應對資給是謂口辯樂毅曹丘生是也。樂毅中代之
賢人潔去就之分明君臣之義自得卷舒之道深識
存亡之機曹丘生招權傾金毀譽在口季布以爲非
長者焉可以比君子哉。又曰一人之身兼有英雄高
祖項羽是也。其下雖曰項羽英力少有范增不能用
陳平去之然稱明能合變斯言謬矣。項羽坑秦卒以
結怨關中焚咸陽而眷懷舊土所謂倒持太阿授人
以柄豈得謂之合變乎。又願與漢王挑戰漢王笑曰

吾寧鬪智不能鬪力及將敗也自爲歌曰力拔山兮
氣蓋世其所恃者氣力而已矣可謂雄於韓信氣又
過之。所以能爲漢王敵。聰明睿智不足稱也。

朋黨論

論侍講奏

孔子門徒

亦可謂之

朋黨事狀

仲尼知季

路之不免

子由識子

張之未仁

子罪卜

而喪親無

夫子罪

治平之世教化興行群臣和於朝百姓和於野人自
砥礪無所是非天下焉有朋黨哉仲長統所謂同異
生是非愛憎生朋黨朋黨致怨讎是也東漢栢靈之
朝政在閹寺綱紀以亂風教寢衰黨錮之士始以議
論疵物於是危言危行刺譏當世其志在於誰持名
教斥遠佞邪雖乖大道猶不失正今之朋黨者皆依

不爲黨也

倚倖臣誣陷君子鼓天下之動以養交游竊儒家之術以資大盜大盜謂倖臣也所謂教猱升木噬犬害人穴居城社不可薰鑿漢之黨錮爲理世之罪人矣今之朋邪又黨錮之罪人矣仲長統曰才智者亦姦兇之羽翼勇氣者亦盜賊之爪牙誠如是言然辨之未盡如是者皆小才小勇祇能用詭道入邪徑鼠牙穿屋虺毒螫人如巨海陰夜百色妖露焉能白日爲怪哉大道之行當壅粉矣

奇才論

開成初余作鎮淮甸會有朝之英彥廉問剖符于東

南者相繼而至予與之讌言皆曰聖上謂丞相鄭公
覃李公固言李公石曰李訓稟五帝之性服人倫之
教則不及卿等然天下之才卿等皆不如也三丞相
默然而退予曰李訓甚狂而愚曾不及于徒隸焉得
謂之奇才也自古天不有常勢不可變也昔陳平之
患呂宗而計無所出嘗閒居深念陸賈由戶而進不
之覺也賈揣知其情言曰將相和則社稷安矣因爲
奇才畫策陳平乃寤由是以黃金爲絳侯壽將相交歡以
敗產祿近世五王之誅二張也漢陽王召大將軍李
多祚謂曰將軍爵服隆貴誰人與之曰太帝與之將

軍貲產富侈誰人與之曰太帝與之將軍子弟榮祿
誰人與之曰太常與之因謂曰感太帝恩乎多祚灌
然泣下又謂曰今太帝之子深居鶴禁危若綴旒將
奇才軍豈有意乎多祚遂感慨受命與之定策元載之圖
魚朝恩也以崔昭尹神州俾昭尹請苑中牢醴及開
饌因與北門大將軍王駕鶴等結歡共籌陰計而朝
恩竟敗夫舉大事非北門無以成功此所謂天下之
常勢也李訓因守澄得幸雖職在近密而日夕遊于
禁中出入無礙此時挾守澄之勢與天子契若魚水
非軍諸將望其顧盼與目覩天顏無異若以中旨諭

之購以爵賞。卽諸將從之。勢如風靡矣。訓捨此不用。而欲以神州靈臺游激博擊之吏。抱關擁篲之徒。以當精甲利兵。亦猶霜蓬之禦烈火矣。賴中人覺其變。未及其亂。向使訓計盡行。所誅者不過侍從數百人而已。其徒尚數千人。與北門協力報怨。則天下橫流矣。何以知之。昔竇武之舉事也。以五校士數千人屯都亭下。中官矯詔令張奐率營士與陣對陣。乃大呼武軍曰。竇武反。汝皆禁兵。當宿衛宮省。何故隨反者乎。自旦至食時。兵降略盡。由是知自前代以來。禁軍唯畏伏中官宰臣焉。能使其效死。嗟乎。焚林而改明。

年無獸竭澤而魚明年無魚既經李訓倡厥則天下
大勢亦不可用也

近世良相論

客謂予曰楊子法言有重黎顏鑒二篇

顏子名犯品
廟諱不書

藻漢之將相敢問近代良相可得聞乎予曰唯唯夫
股肱與君同體四海之所瞻也恩義至重實先於愛
敬非社稷大計不可以強諫亦猶父有諍子不獲已
而諍豈可以爲常也唯宜將明獻替致其主于三代
之隆孝經曰天子有諍臣七人非宰相之職也必求
端士正人以當言責導其蹇諤救其患難而已唯聖

此等商量
似非平泉
一舛一木
人

論朝廷事

朕如宰

臣有奸謀

匿則人

得上論

制置

案固是

之相

人所

人言危而不持顛而不扶則焉用彼相此亦將明獻

替之謂也使其君昭明令德不至於顛危也漢之良

相十數人矣公孫弘開陳其端而不肯廷辯固未可

也蕭望之剛不護闕王嘉許而犯上致元哀二后有

信讒邪之惡戮忠直之名此其失者也魏相薛廣德

持重守正弼諧盡忠可謂得宰相體矣邇世貞以制

動思在無邪松栢所以後凋藜藿由是不採貴不患

失言必匪躬似薛廣德者鄭丞相陳丞相有之矣此謂

故右僕射鄭司徒麟之爲瑞也仁而不觸玉之爲寶

也廉而不劓愬以及物善不近名高朗令終天下無

日後漢太學諸生頗于時政皆是亂風俗深要懲絕

怨似丙博陽者王丞相鄭丞相有之矣此謂故中書王丞相故鄭

相好古洽聞應變膚敏幾可以成務智足以取捨仁

愛樂善勤瘁奉公逢時得君不失其正似倪寬者韋丞相李丞相有之矣此謂故中書韋司空故侍中李司空困于隴隄以

盡天涯雖劒光不沉而鸞翮長鍛靈均之九死無悔

柳惠之三出非辜既歿不瞑號于上帝似蕭望之者

所謂李丞相矣此謂故淮李司空也予亦同病莫保其主知我

者以爲忠亦已鮮矣庶乎數世之後朋黨稍息以俟

知音耳

折群疑相論

貨殖誰欲
知將相之
賢否視其
貨殖之厚
薄蓋清明
雄杰者所
不免
擇士取其
粹者即劉
劭之雄也

夫相之相在乎清明。將之相在乎雄傑。清明者珠玉。
是也。爲天下所寶。雄傑者虎兇。是也。爲百獸所伏。然
清者必得大權。不能享豐富。雄者必當昌侈。不能爲
大柄。兼而有之者在乎粹。美而已。子頃歲蒞淮海。屬
縣有盱眙。而山多珉玉。剖而爲器。清明洞澈。雖水精
明。冰不如也。而價不及凡玉。終不得爲至寶。以其不
粹也。清而粹者天也。故高不可測。清而澈者泉也。故
深亦可察。此其大略也。余嘗精而求之多士。以才爲
命。婦人以色爲命。凡賦是美者。必將有以貴之才。高
者雖孟嘗。眇小蔡。澤折額。亦居萬人以上。色美者雖

鉤弋之拳子夫之賤亦爲萬乘之偶然而梓者必身
名俱榮福祿終泰張良是也擇士能用此術可以拔
十得九無所疑也

十餘人無祖號也。時在帝前而止之。上曰：「此
各。於。榮。顯。新。絲。泰。張。貞。其。此。對。士。對。風。此。術。下。以。其
戰。士。之。奉。于。夫。之。銀。亦。為。其。乘。之。樹。然。而。林。林。也。良

重與陸賓虞書

唐 劉 軻

別韶卿已逾時雖游處譙賞不接然予心未嘗一日
去韶卿也且京洛相去八百里足以絕韶卿車輒馬
跡矧又自洛南而東涉淮浮江沿洄數千里安得不
悵悵西望邪比予在輦下五六年始不知韶卿及知
韶卿兩心始親而形骸已相遠苟未能忘情忍不酸
鼻出涕爲吾友之思邪前陸椽來得韶卿書知韶卿
欲屈道以從人求京兆解送知韶卿道在與否固不
在首解于京兆也愚嘗謂與游者道韶卿膚未鷄髮
未鶴然其心甚老脫一旦脅肩低眉與諸子爭甲乙

于縣官。豈愚所謂甚老者邪。韶卿曾不是思也。愚所
謂首出者。謂四科首顏閔三十世家首太伯七十列
傳首伯夷。其爲首出豈不多邪。韶卿不首于是而欲
首于何哉。僕又聞京兆等試試官知與否。脫有知韶
卿人。聞烏有不心躬嘿禮靈冠統以待之邪。夫然亦
何害。小伸于知己耳。不然則東國綢臣西山餓夫微
仲尼何傷爲。展季伯夷矣。韶卿獨不見。旣得者邪。豈
盡爲顏子太伯伯夷然。幸韶卿熟思之。無以予不食
太牢爲不知味者也。

